

## **NATIONAL ASSEMBLY OF SEYCHELLES**

*Friday 10<sup>th</sup> December, 2021*

*The Assembly met at 13.01pm*

*National Anthem*

*Moment of Reflection*

*Mr*

*Speaker in the Chair*

### **MR SPEAKER**

Mersi. Bonn apre midi tou Manm Onorab, nou *staff* ki pe asiste nou e nou oditer e telespektater a lekout mersi pou zwenn nou.

Pou bann ki pa okouran mon a zis eksplike, eksprim mon regre pou retar ki nou pe pran ozordi ki nou'n komans apre midi, e sa sete akoz gro lapli nou'n annan en problem en pe inondasyon dan batiman ki nou'n bezwen rektifye pou nou kapab fer nou travay.

Bon mon swet zot byenveni pou zwenn nou apre midi. Ozordi i Lazournen Enternasyonal Drwa Imen e mon pa anvi les sa lokazyon pase san ki nou mark li avek en mesaz pou nou piblik.

Drwa Imen i a labaz tou ou travay koman en Lenstitisyon Lezislatif. E a sa lokazyon mon

anvi fer sir ki nou reaffirm nou langazman pou sa Tenm Drwa Imen. Tenm ki pe ganny selebre ozordi dan lemonn antye, se Egalite e an sou tit redwir inegalite, pou promot Drwa Imen. Mon krwar sa i santral avek nou misyon koman Lasanble Nasyonal Sesel.

Alor mon ti a kontan ki nou pran sa lokazyon, pou nou regard otour nou e regarde kote ki nou ankor annan inegalite afen ki nou kapab travay pou nou promot sa egalite ki bi sa lazournen ozord.

E pli bon mannyer pou pas sa mesaz, mon pe envit le 2 dirizan dan Lasanble pou zwenn mwan dan eksprim en swe pou sa travay avek nou piblik Seselwa.

Mon ava apel premye Onorab Sebastien Pillay *Leader Lopozisyon*.

### **HON SEBASTIEN PILLAY**

Mersi Mr Speaker. E bonn apre midi tou dimoun ki pe swiv nou, byensir bonn apre midi tou Koleg Onorab e tou *staff* Lasanble. Premyerman Mr Chairman les mwan remersi bann *staff* Lasanble pou zot travay ki zot in fer ki Lasanble i kapab asize ozordi, apre sa pti lanpesman ki nou'n gannyen avek lapli bomaten.

Nou realiz travay ki zot fer e nou *extend* avek zot nou senser gratitud pou sipor ki zot donn nou.

Mr Speaker enn bann keksoz fondamantal ki ganny si oule ki ganny met lanfaz lo la atraver probableman enn bann dokiman pli enportan ki nou pei i annan sa ki nou Konstitisyon se en relasyon avek en kalite bann Drwa ki nou tou nou annan e ki nou zouir.

E sa bann drwa nou bezwen zouir li dan en fason kot nou tou koman sitwayen ki viv dan en pei kot nou rekonnet ki sa bann drwa i egziste ki ler ou, ou annan ou drwa pou eksprimen pou demande, pou fer nenport kwa, en lot dimoun osi i annan son drwa. E souvandfwa dan en fason pli senp nou dir kot ou drwa i arete pou mwan i komanse.

Mr Speaker nou pei in pas atraver diferan parkour, e nou'n pas atraver diferan evolisyon, kot ozordi nou viv dan enn bann pei kot nou tou nou kontinyen met lanfaz lo asire ki egziste i vin pa zis en mo. Me i vin en fason viv ki nou tou nou krwar ladan e ki nou tou nou esey nou mye pou nou aspire, pou asiste ki sak sitwayen i war son drwa ganny respekte.

Mon ti a kontan ozordi profit lokazyon pou *extend* sipor

pou tou kous nou sisyete, pou *extend* sipor pou tou dimoun ki pe lager pour ki zot bann drwa Drwa i ganny rekonnet.

Mon swazir sa moman osi pou *extend* sipor avek kominote *LGBTIQ*, ki mon konnen poudir pandan plizyer lannen in annan plizyer zefor pou war ki mannyer nou respekte diferans ki sak dimoun i annan.

Pa zis lo en pwennvi medikal, me osi lo en pwennvi konsyansye kot sak dimoun i annan sa drwa e sa *freewill* pou li annan en fason azir en fason konportman. I neseser Mr Speaker koman kan ki nou evolye pou nou pa zanmen blye ki drwa imen i reste la toultan e drwa ki en dimoun i annan i pa zanmen perdi.

Kwa ki si en dimoun in ganny arete pou en lofans, kwa ki si en dimoun pe ganny onore pou en keksoz ki in fer, drwa sak endividé pou bann ki'n ganny ekrir e ki ganny met lanfaz lo la atraver nou Konstitisyon i reste si oule sakre.

Mon ti a kontan demann tou Seselwa e demann tou mon bann koleg Lasanble sirtou bann koman Lezislater, pou nou fer sir ki dan tou bann Lalwa ki nou pase, ki atraver tou travay ki nou fer pou egzers nou rol *oversight* lo

Gouvernman, nou toulstan met lo deryer nou lespri en keksoz tre fondamantal.

E sa se ki nou fer li pou asire ki bann drwa ki nou bann sitwayen i bezwen zouir i pa zanmen ganny perdi e i toulstan reste la. Mon swete Mr Speaker ki ler nou soyete i kontinyen evolye mon swete ki nou gard en keksoz an tet, se ki nou rann Sesel oubyen nou donn en Sesel en pe pli meyer ki nou ti zwenn avek zenerasyon fitir, pour ki zot a kapab kontinyen lo sa letap, lo sa batir lo bann fondasyon ki nou pou kree.

Mon tre onore Mr Speaker ki mon'n ganny sans atraver parkour pandan plizyer lannen dan Lasanble Nasyonal, pou fer mon kontribisyon e mon swete ki mon ganny sans ankor pou fer mon kontribisyon. E ki mon *legacy* ki mwan mon ava kit deryer i se ki mon'n sey fer mon mye pou fer mon pei pli byen, pour ki mon pei i pli byen ki mon ti zwenn li. Mersi Mr Speaker.

### **(APPLAUSE)**

### **MR SPEAKER**

Mersi *Leader* Lopozisyon. Mon apel prezan *Leader* Biznes Gouvernman Onorab Bernard Georges.

### **HON BERNARD GEORGES**

Mersi Mr Speaker. Bonn apre midi Mr Speaker e tou Manm Onorab e tou bann dimoun ki pe ekout nou dan lakour.

Mr Speaker dan larantre nou Lasanble kote drwat ler nou antre nou war i annan Lartik 40 nou Konstitisyon sa se lalis nou bann responsabilite koman sitwayen.

E premye dan sa lalis se responsabilite pou nou swiv e *uphold* nou Konstitisyon e nou Lalwa.

E nou Konstitisyon parey nou tou nou konnen i annan ladan Sapit 3 ki annan 25 nou bann drwa. E nou felisit nou lekor toulstan koman en pei e koman en pep ki nou annan en levantay drwa ek responsabilite ou plito drwa e laliberte pli larz dan lemonn.

Nou annan nou 25 e parey mon'n dir, e sa ki enteresan se ki nou'n enspir nou dan sa 2 gran sistenm Lanngleter, Angle ek Franse. E dan sa 2 gran dokiman *Magna Carta* lo kote Angle e deklarasyon *Universelle les droits de l'homme* sitwayen ki sorti *La France*.

Donk nou annan koman en pep sa 2 gran pilye drwa imen ki gid nou. E koman en pei demokratik dan sa 25 drwa nou annan bann drwa sivil ek politik parey drwa, drwa, drwa

rasanble, laliberte lekspresyon e osi drwa a legalite.

Lartik 27 set enn bann pli gran Lartik ki nou annan dan nou Konstitisyon ki dir ki tou Seselwa, tou sitwayen i egal devan Lalwa e la mon zwenn mon koleg *Leader* Lopozisyon pou mon fer lapel avek nou popilasyon, pou toulstan annan devan nou bann landrwa kot legalite pa *obvious*. E enn sa bann landrwa se avek kominote *LGBTIQ*.

Nou annan 20 pe travay deza, me nou annan bokou travay pou nou fer. E mon ti a kontan personnelman ki sa Lasanble i vin sa Lasanble ki pou *acheve* sa travay ki nou'n deza komanse anver sa kominote.

Koman en pei progresis nou annan nou osi bann drwa sosyoekonomik, drwa lasante, drwa lozman, drwa ledikasyon, drwa kiltir, drwa lanvironnman e drwa pou nou fond e annan en fanmir.

Tousala se bann nouvo drwa ki nou bezwen pouse kontinyelman koman en pep anba nou responsabilite ki lartik 40 i edik nou toulezour pou nou fer ki sa bann drwa pa reste zis bann mo lo papye, me i vin bann drwa reel.

Akoz Mr Speaker, parey TRNUC - Komisyon lo Laverite i

montre nou, i fasil pou pei tonm dan derapaz ler nou napa drwa, oubyen ler nou pa egzers bann drwa ki nou annan. E nou aprann en lesion ki fodre pa nou repeete.

Alor Mr Speaker an konklizyon mon ti a kontan premyerman remersye bann lenstitisyon ki pe protez nou bann drwa. Komisyon Drwa Imen li menm, Lakour Konstitisyonnel, nou bann Avoka, nou bann Parlmanter. *Ombudsman* ek tou sitwayen Sesel ki pe fer zot bout pou zot protez, prezerv e *uphold* nou Konstitisyon.

E avek sa detrwa mo mon ti a kontan lans en lapel avek tou nou sitwayen, sirtou la dan sa lannen kot nou pe regard egalite, pou annan konsyans ki nou annan tou sa bann zoli drwa.

E nou annan osi bann responsabilite. E enn bann responsabilite ki nou annan se pou egzers sa bann drwa e fer zot, fer tou dimoun kapab zouir sa drwa e dan lepanouisman son prop byennet. Avek sa detrwa mo Mr Speaker mon ti a kontan remersye ou.

**(APPLAUSE)**

**MR SPEAKER**

Mersi le 2 Dirizan pou zot refleksyon, ki mon apel tou nou Manm pou siporte. Mersi. Nou a pas lo *Reading, First Reading Public Bills*. Madam Clerk.

### **MADAM CLERK**

Mersi Mr Speaker. Bonn apre midi Mr Speaker. Bonn apre midi bann Manm e tou dimoun ki pe a lekout. I annan 4 Bill ki pe ganny prezante for *First Reading*;

*This Act may be cited as the Anti-Money Laundering and Countering the Financing of Terrorism (Second Amendment) Act, 2021.*

*This Act may be cited as the Custody Management and Disposal of Seized Forfeited of Confiscated Properties Act, 2021, and shall come into operation on such date as the Minister may by notice in the Gazette, appoint and different dates may be appointed for different provisions of the Act.*

*This Act may be cited as The Licences (Amendment) Act, 2021, and shall come into operation on such date as the Minister for Finance may by notice published in the Gazette, appoint.*

*This Act may be cited as a Prevention of Terrorism (Second Amendment) Act, 2021. Mersi Mr Speaker.*

### **ANTI-CORRUPTION COMMISSION SEYCHELLES**

#### **MR SPEAKER**

Mersi Madanm Clerk. Avek sa nou a pas lo kontinyasyon *Second Reading Appropriation Bill* e mon a demann *Sergeant pou pas nou dan Staz Komite*, e Madanm Reporter pou apel nou delegasyon e antite ki avek nou ozordi se *Anti-Corruption Commission*.

Bonn apre midi Zofisye *Anti-Corruption Commission of Seychelles*. Anver son *Commissioner Ms May De Silva*. Son *Finance Assistant Ms Claudia Mathiot* e son *Policy and Compliance Coordinator sorry, Ms May-Paule Rabbat*.

Lo kote Minister Finans mon annan plezir ankor enn fwa swet la byenveni Mr Patrick Payet Sekreter Deta e Ms Irene Croisee *Comptroller General*.

Avek sa nou a komans Bidze lo *Anti-Corruption Commission* e mon konsyan ki bann zofisye ki zot annan en kontrent letan e nou pou liber zot dan en demi erdtan. Me la annou pran lentrodiksyon lo sa Bidze par *Commissioner De Silva*.

### **COMMISSIONER ACCS MAY DE SILVA**

Mersi. Bonn apre midi Mr Speaker. Bonn apre midi *Leader of Government Business*. Bonn apre midi *Leader of Opposition*. Bonn apre midi tou bann Manm Onorab e tou dimoun a lekout.

2021 in en lannen istorik pou lalit kont koripsyon, pou Anti-Koripsyon. Nou Lalwa in ganny ranforsi koman en lenstitisyon ki endepandan. Nou'n fer progre dan lenvestigasyon e prosekisyon bann sispe ki angaze dan pratik koripsyon. Nou pe kontinyen dan ledikasyon, dan lalit kont koripsyon. Nou'n fer 17 sesyon prevansyon avek 4 lenstitisyon Gouvernman depi Oktob.

ACCS a kapab lager koripsyon li tousel, nou bezwen ini pou nou pran nou responsabilite nou tou. Mon bezwen osi remersi nou bann pei partner aletranze, nou bann partner lokal e sirtou Linyon Eropeen, Gouvernman Langeter, Australie, Commonwealth Lanmerik.

E mon osi oule dir poudir nou annan en novo fonksyon e sa *declaration of assets* ki ACCS, in komans sa travay pou bann zofisyen Gouvernman apre en sanzman Lalwa sa lannen. Mersi bokou.

## **MR SPEAKER**

Mersi *Commissioner*. Bidze Anti-Koripsyon, mon note i lo paz 135 ziska 137 pou en total R18milyon 517mil. Avek sa nou a kapab komans avek kestyon bann Manm e Onorab Cosgrow i a kapab komanse.

## **HON WALLACE COSGROW**

Mersi Mr Chair. Bonn apre midi Mr Chair. Bonn apre midi Ms De Silva avek ou tim. Mon ti a kontan dabor Mr Speaker o komansman remersye Ms De Silva pou diriz sa lenstitisyon pli enportan, lenstitisyon endepandan e tre enportan pou nou pei. E mon swet li tou kouraz dan son travay ki i pe fer.

Mon premye kestyon i konsern Bidze pou *staff*, mon ti a kontan konnen konbyen travayer ou *staff* etranze permanan ou tanporer ki ACCS i annan ozordi? E si sa Bidze ki nou pe *provide* ozordi i fer provizyon pour *cater* pou bann travayer etranze ki ou annan, ki swa tanporer ou swa permanan?

Mon ti a kontan osi konnen dan menm loptik, si ACCS i annan en plan *training* pou bann travayer lokal ki zot annan, petet pou *fill in the gap* en pti pe ki sa bann travayer etranze pe fer, pou ACCS kapab dan le fitir annan en kontinite

si oule dan sa travay enportan ki zot pe fer?

E trwazyenm mon ti a kontan zis demann Ms De Silva si i santi an vi lendepandans son lenstitisyon, eski ou santi sa Bidze ki ou pe gannyen la i en Bidze ki pou kapab permet ou pou fer sa louvraz ki ou annan pou fer?

E petet ki ou krwar *is the real budget ACCS* i bezwen pandan, dan ou lespri dan ou nide pour kapab fer sa louvraz pandan lannen 2022? Mersi.

### **MR SPEAKER**

Mersi Onorab. Mon a zis not ek bann Manm ki i posib i annan size ki kapab sansib pou travay Anti-Koripsyon e, me selman madanm Komisyoner i a desid sa ler i adres son repons. Madanm Komisyoner ou a reponn *please*.

### **COMMISSIONER ACCS MAY DE SILVA**

Bonn apre midi. Wi nou annan pou le moman 33 *staff* lokal, nou annan 5 travayer etranze tanporer ki nou pe, ki sorti dan nou Bidze.

E nou annan 4 *EU* ki pe *fund*. Pou *training*, pou travayer lokal sa i en kestyon byen enportan, akoz ozordi nou pa ti pou bezwen lasistans *EU* avek bann travayer etranze sirtou

dan bann lenvestigasyon konpleks, bann lenvestigasyon krim finansyel.

E sa i pa zis en keksoz ki en problem pou *ACCS*, i en problem pou *Lapolis* i en problem pou *FCIU* i en problem pou *FIU*, tou sa bann antite ki siport nou travay.

So sa i en keksoz ki mon fer en pledwari pou Gouvernman regarde pou nou annan travayer lokal pou fer sa *training*, pou ganny sa kalite travay bann travay byen spesyalize.

E wi, nou annan en Bidze pour travayer lokal e pa blyie sa bann travayer etranze i sa bann travayer ki vini sorti *EU*, zot rol se pou zot *mentor* sa bann travayer lokal. E an menm tan ki zot fer sa travay zot annan zot, i annan nou travayer ki la ki pe ganny sa *mentoring*, e sa i form parti nou travay.

Depi ler *EU* in komans siport *ACCS*, sa *mentoring* i pou kontinyen. E ou dir mwan si mon Bidze i ase, mon Bidze i devret 7 fwa plis ki i ete la. Me selman mon konpran poudir i annan kontrent finansyel. Mon ti toulstan dir ler mon a delivre zot a komans war poudir nou'n delivre, prezan mon pe kapab demann plis resours.

So mon pe fer ankor en pledwari pou mwan dir nou'n

delivre, nou pe delivre e alors nou oule en pe plis resours. So sa Bidze ki nou'n gannyen sa lannen i pa pou ase. Be selman sa i en keksoz ki Gouvernman i ava fer en revi lannen prosenn. Mon krwar mon reponn tou ou kestyon.

### **MR SPEAKER**

*Thank you. Wi nou ava pas lo en lot akoz letan i kourt. Onorab Loze ou kestyon.*

### **HON JOHAN LOZE**

Mersi Mr Speaker. Ms De Silva mon pou repran kot mon koleg Onorab Cosgrow in kite. Ou pe dir nou ki ou Bidze i devret *être* 7 fwa plis ki i ete ozordi.

Ou lenstitisyon i enn ki sipoze otononm, e avek sa mon prezimen ou bezwen annan ou, ou *full* lotonomi finansyel osi. Mon premye kestyon, eski ou santi ou an se moman ki ou lenstitisyon i annan sa lotonomi finansyel *as we speak right now?*

Mon dezyenm kestyon se, eski ou annan ou en konversasyon avek SS obor ou sirtou, pou ganny bann resours ki ou pou bezwen dan sa travay eksepsyonnal ki ou pe fer disi ziska lafen lannen?

Akoz i annan bann keksoz ki dimoun pe *notice* e pe *comment* lo la, par egzamp ou

sekirite personnel pe ganny asire par en zofisyen sekirite ki ganny asosye avek en politisyen *State House*. Sa i enn bann keksoz ki pe fors kestyon eski ou annan sa lotonomi a plen ki ou, ou bezwen annan sirtou lo kestyon lotonomi finansyel?

### **MR SPEAKER**

Mersi Onorab. Madanm Komisyoner ou ava adrese silvouple.

### **COMMISSIONER ACCS MAY DE SILVA**

Mersi Onorab. Otonom endepandan. nou kapab endepandan me selman *still* ekspekte larzan avek Gouvernman. Nou napa en lot sours, nou napa lezot landrwa ki pou donn nou sa resours.

Si ler nou komans sezi ban assets mon mazinen anba *Assets Recovery Fund* en poursantaz ava vin pou bann *Law Enforcement Agencies* e toutfason sa larzan i al dan *Consolidated Funds*.

E mon pa konpran ki mannyer nou pou kapab ekspekte larzan endepandan. Me selman nou, mwan ki *Accounting Officer*, so mon swiv bann prosedir ki an plas pou fer sir ki nou pe zer sa larzan Gouvernman byen parey mon devret zere.

Lo kote sekirite, sa i en keksoz ki mon'n vwar mon dan en sityasyon ki mon bezwen sekirite. Mon pa'n al swazir ki sekirite mon pou gannyen, mon fer lapel kot Gouvernman, zot ki'n swazir, zot ki'n donn mwan en personnel.

Mon pa ni'n gete ki bor sa dimoun i sorti, la ozordi ou pe dir mwan kote sa sekirite i sorti, mon pa'n fer okenn *background checks*. Mon pa pe - *I'm not trying to be funny or vexatious*. Selman zis mon pe dir ou poudir lo dernyen minit mon'n fer en demann e mon gannyen, parske mwan zanmen mon'n demann *bodyguard*, depi ler mon pe fer sa travay.

E mon ti a kontan, petet sa ti en keksoz mon'n fer ankor en pledwari kot Gouvernman pou demann sekirite pa zis pou mwan, me pou mon bann *staff* kot ACCS. So pa zis mwan ki mon lavi i an danze, me bann *staff* ACCS e bann *staff* ki dan *law enforcement* ki fer bann louvraz ki ase danzere ki met zot lavi an danze. Mersi.

### **MR SPEAKER**

*Thank you Commissioner.* Onorab fer li ekstrememan vit akoz nou annan lezot dimoun ki pe atann. Wi?

### **HON JOHAN LOZE**

Mersi Mr Speaker. Ms De Silva mon oule ou konpran ki nou la, pou siport ou travay e sa ki mon pe dir ou sete pa sours larzan endepandan, mon ti pe koz plito lo ou lotonomi finansyel, savedir ou lendepandans ki ou zer e depans dapre bezwen ou lenstitisyon ki ou, ou pe zere ozordi? E pou sa arive ou bezwen annan *sufficient funds* pou permet ou annan sa lotonomi finansyel. Mersi Mr Speaker.

### **MR SPEAKER**

Mersi Onorab nou'n konpran. Madanm De Silva ou annan keksoz pou azoute?

### **COMMISSIONER ACCS MAY DE SILVA**

Wi. Sa, nou tou ler nou demann nou Bidze, nou Bidze in ganny koupe e mon konpran poudir sa ki mon demande zanmen nou ganny ase, parey tou lenstitisyon.

Wi, annefe mon an komunikasyon avek SS Payet kontinyelman, pou kapab regarde ki mannyer Minister Finans i kapab aziste mon Bidze annandler ler mon bezwen en pe plis. So i annan sa komunikasyon. Mersi.

### **MR SPEAKER**

Mersi. Onorab Aglae.

### **HON EGBERT AGLAE**

Mersi Mr Chair. Bonn apre midi Ms De Silva ek ou delegasyon. Ms De Silva mwan mon enn ki krwar dan sa travay ki ou pe fer e lo nou kote nou pou donn ou sa sipor pou vot lo ou Bidze. Ms De Silva ou'n fer resorti ki ou pe ganny sipor sirtou avek Linyon Eropeen.

Mon ti a kontan petet demann ou an term sa sipor ki ou pe gannyen, eski i annan en konponan finansyel ki pei li menm li dan Bidze lokal ki nou pe bezwen kontribye? Ouswa eski zot pe ganny sa *funding* pe ganny fer par sa bann lenstitisyon an giz pou donn ou sa sipor lo sa travay sirtou lo *cross border*? Mersi.

### **MR SPEAKER**

*Thank you.* Madanm Komisyoner ou repons.

### **COMMISSIONER ACCS MAY DE SILVA**

Mersi Onorab. Wi Linyon Eropeen i donn nou *Air Grant*, Gouvernman Angle i osi asiste nou. E nou Gouvernman isi in fer *make up* en *shortfall* ki annan dan sa *funding*. Mersi.

### **MR SPEAKER**

*Thank you.* Onorab Sandy Arissol.

### **HON SANDY ARISSOL**

Mersi Mr Chair. Bonn apre midi Ms De Silva ek ou lekip. Mr Chair mwan mon ti a kontan si Lasanble Nasyonal nou donn Ms De Silva en gro lanmen pou sa travay ki i pe fer.

**(APPLAUSE)**

### **HON SANDY ARISSOL**

Mersi. Mon pe dir sa parske se nou Lasanble Nasyonal ki dernyen fwa ler ou ti vin kot nou, nou ti dir ek ou ki nou anvi rezulta e mon menm enn bann manm ki ti kriy pli for, ‘rezulta, rezulta e rezulta!’

E mon *happy* avek ozordi sa ki ou pe fer, parske letan mon pe get ou manda, ou manda i dir “*The Anti-Corruption Commission Seychelles is mandate under the Anti-Corruption Act, 2016 to investigate, detect, prevent and prosecute corrupt practices.*”

Mon pa war ‘rankin, profite, profite, revanze’ dan ou manda. Alor nou lo nou kote latab mon anvi dir ek ou nou pou don ou *full* sipor pou sa travay ki ou pe fer. E ozordi nou pa pou tard ou plis ki sa, mon aprann ou bezwen pou sa travay enportan ki ou pe fer e ankor enn fwa felisitasyon e

bon kouraz dan sa travay ki ou pe fer. Mersi bokou Mr Chair.

**(APPLAUSE)**

### **MR SPEAKER**

*Thank you.* Madanm Komisyoner ou annan okenn mo pou dir avan nou pas lo nou dernyen kestyon?

### **COMMISSIONER ACCS MAY DE SILVA**

Mon krwar sa remersiman i devret al pour tou bann *staff* ACCS, pou Lapolis, pou *FIU* ek tou bann lezot lenstitisyon ki'n siport ACCS, ki kontinyen siporte.

Mon pa sa endividé ki devret ganny sa remersiman, e mon a pran sa loportinite pou mwan dir zot poudir sa bann zenn profesyonnel ki travay avek nou, zot travay dir. I pa en louvraz fasil e mon remersiman i pour tou bann *staff* ki dan *law enforcement* ki'n apiy nou. Mersi.

### **MR SPEAKER**

*Thank you.* Kestyon pou Onorab Sébastien Pillay.

### **HON SEBASTIEN PILLAY**

Mersi Mr Chairman. I a fer ankor en lot Bidze ACCS ki mon pou siporte, mon'n toultan siport Bidze ACCS travay lo son

Lalwa e ozordi pa pou en leksepsyón.

So mon pou pran bann pwen ki ou'n *raise* e mon ti a kontan petet ou donn nou en pe plis detay lo bann *request* ki ou'n fer, e ki ou konn mon tre byen mon pou preznan pran sa presyon mon pou anvoy li en lot landrwa. Akoz si i annan keksoz ki neseser ou bezwen gannyen.

Premyerman lo sa pwen sekirite, i ti en pwen ki ou ti'n deza *raise* avek nou dan *FPAC*, e mon'n note me ler mon pe regard ou *security budget* dan ou Bidze, mon vvar li i tre minim.

Mon vvar ou Bidze i konsantre en kantite petet lo *staff*, lo *rental*, bann keksoz ki ou bezwen tanzibman, me i osi annan sa konponan ki ou'n *raise* e ki mon dakor avek ou e sa se konsern sekirite. E ki si petet ou ti annan en Bidze sekirite ou pa ti pou ganny sa bann kestyon kot ou pou vvar petet *bodyguard* en Vis-Prezidan avek ou.

Petet sa i pa ti ava en nesesite. So petet mon ti a kontan demann ou, eski ou'n fer en demann avek Minister Finans pou en Bidze sekirite?

E mon ti a kontan petet avek ou permisyón Mr Chairman SS Payet i dir nou si eski Minister Finans i pare

menm avan *Mid-year Review* pou donn en sipor adisyonnal vizavi sekirite ACCS?

Akoz sa i pou enportan akoz nou konnen travay ki ou pe fer i en travay ki delika, i en travay kot petet parey ou'n dir i bezwen annan sekirite, i parey *Sud Afrique*, i parey dan bokou lezot pei.

Dezyenmman ou'n koz lo ou Bidze *being* 7 fwa, realistikman mon konnen mon pa kapab dir Gouvernman donn ou en Bidze 7 fwa. Me i annan bann keksoz ki petet ou bezwen lo kote *digitalization*, ou bann keksoz, ou bann lenformasyon.

Eski Mr Chairman nou kapab ganny en *Commitment* avek Minister Finans, lefe ki ler mon pe regard Bidze ACCS sirtou son Bidze anba son *goods and services* i 3.8milyon, me ladan nou pe vvar 3milyon i al dan *rent*. Ki les ACCS probableman avek pa bokou larzan menm pou li met en *training fees*, menm pou li met dan lezot keksoz.

Eski i en keksoz ki Minister Finans i kapab konsidere, akote sa sipor ki Linyon Eropeen pe donn ACCS ki Gouvernman i kapab met en sipor adisyonnal?

Nou pa pe koz bokou, petet 1.2, 2.3milyon, 1 a 2milyon ki a kapab fasilit travay

ACCS pou li *digitalize*, oubyen travay lo bann rikord pou fer ki son bann *staff* i a kapab vin pli prodkтив;- pa ki zot pa'n prodkтив la, me ki son bann *staff* a vin pli prodkтив.

*And then mon last point*  
Mr Chairman e sa i en pwen ki mon bezwen petet mon pa konnen si *Commissioner* pou kapab *weigh-in* lo la. Nou'n ganny bokou konsern atraver bann *secondment*, bann zofisye lezot lafors.

Nou'n vvar sa avek Lapolis. Nou'n vvar sa avek ANB kot ler sa bann zofisye i al lo *secondment* bann kondisyon travay e bann travay an plis ki zot pe fer i probableman pa neseserman ganny *remunerated*. E probableman ACCS li i pa pou konnen egzakteman ki bann laranzman ki pe ganny fer.

Eski nou kapab ganny en klarifikasiyon, si ACCS i kapab osi ganny en Bidze adisyonnal, *regarding* petet mon pe mazinen anba *other allowances* ki ava tonm anba son *goods and services*, parey nou pe donn lezot antite serten *allowance* anba zot *other allowances*, parey nou'n donn Biro Statistik nou'n donn li sa kalite *allowance*.

Si nou donn ACCS sa kalite *allowance* ki ava permet li

ler i annan bann zofisyen ki *on secondment* i kapab siport sa bann zofisyen dan travay ki zot pe fer? E sa i ava elimin probableman petet konsern ki sa bann Zofisyen personnel zot menm zot annan. Si zot pe fer travay adisyonnel, si zot pou ganny *remunerated* pou sa.

E i a fasilit travay Komisyoner i a *focus* lo dil avek koripsyon e tou sa ki annan pou fer avek lozistik i ava ganny *dealt* avek atraver en kad administrativ. Mersi.

### **MR SPEAKER**

Mersi Onorab Pillay. Komisyoner ou repons e gard en pti letan pou nou pas laparol avek SS Payet.

### **COMMISSIONER ACCS MAY DE SILVA**

Mersi pour ou siper pou ACCS. Wi, sekirite parey mon'n dir i pa ti dan nou plan lo sa lanpler, e sa i en keksoz ki ou pa vwar dan nou Bidze e nou pou bezwen reviz sa.

Akoz sa kantmenm mon ti'n mete i ti'n ganny redwir, be selman la nou'n fer en ka pou nou ganny *armed* sekirite parey mon pe dir kantmenm en *allowance* sekirite pou nou bann staff sa nou bezwen vwar. E menm en pe sa bann benefis ki Lapolis i gannyen ki nou, nou

staff pa gannyen. Sa osi i en keksoz ki nou pou bezwen diskite avek Minister Finans.

Lo kote *digitization* sa nou konnen poudir Gouvernman Angle in donn nou en pe larzan pou nou fer sa prosedir ki pou Ms Rabat a komans fer *online declaration*. E *in fact* son rol i pa zis *Policy and Compliance* i *ethics*. So, in pran sa travay e in fer en bon travay *so far* depi le *handover* e i ti en pe difisil sa bann travay ki'n *take over*.

Lo kote *rental*, wi sa i en keksoz ki nou bezwen regarde akoz nou ti'n ganny en notis pou nou sorti dan nou lofis kot nou ti ete lo dernyen minit, prezan nou'n pran sa ki ti *available*. E nou ankor bezwen ankor en kantite fasilit koman en *law enforcement* nou napa en *custody suites*.

Nou napa en *interview rooms* so pou annan en azisteman avek nou *rental* lannen prosenn, e sa i bezwen ganny pran an konsiderasyon. Nou *share* en kantite avek Lapolis e mon'n vwar poudir in annan en gran *improvement* avek nou relasyon ek Lapolis.

Lo kote *secondment* sa i en keksoz ki nou okouran. *In fact* kan ou pe dir nou sa, nou pe regard en *secondment* pou en zofisyen FIU vin kot nou pou vin asiste nou lo en travay ki nou

pe fer an se moman. E sa i pou en keksoz ki nou pou bezwen apres Minister Finans. E parey ou pe dir bann lezot benefis ki annan pou bann lezot *law enforcement* nou pa neseserman annan.

Me la mon krwar nou'n fer en *statement* ase for la, pou dir nou pe delivre. E kantmenm nou ti frankil mon'n dir zot mon ti pe travay. Me la zot in vvar poudir zot ti pe travay. E ki la prezan mon kapab vini vin demann en pe plis resours. Mersi.

### **MR SPEAKER**

Mersi. SS Payet ou ti a kontan azout en mo lo pozisyon Minister Finans an term Bidze ACCS?

### **SS PATRICK PAYET**

Mersi Mr Chair. Bonn apre midi tou Manm Onorab e mersi Onorab pou sa kestyon. E bonn apre midi tou dimoun ki a lekout.

Mr Chair parey zot okouran ki pandan sa dernyen 3an Minister Finans avek bann lezot lenstitisyon ki annan son rol lo kote *AML* avek *CFT*, nou'n travay pour anmenn devan bokou lamannman dan bann Lalwa.

E mon krwar aprezan en keksoz ki nou bezwen revwar

resours pou nou kapab montre *effectiveness*. E sa i en keksoz ki nou bezwen demontre *in the next two years*, montre ki sa bann Lalwa ki nou'n amann e met devan ki Lasanble in aprouve, i annan *effectiveness* ladan. E sanmenm sa ki konzwentman nou'n diskit avek ACCS. E definitivman Onorab ki nou pa pou kapab esper *Mid-year Review*.

Nou pou bezwen kapab donn en pe plis resours bann *Law Enforcement Agencies* dan premye kar lannen prosenn e diskisyon avek zot, pou nou fer sir ki sa lalit ki zot in pran ki zot in komanse, e nou kapab demen annan rezulta.

So definitivman Mr Chair mon kapab donn son langazman ki nou an konzwentman pe diskite avek bann *law enforcement agencies* pou vvar ki bann resours adisyonnel ki zot pou bezwen pou nou kapab fer sir ki zot kapab fer zot louvraz parey Lalwa i demande. Mersi Mr Chair.

### **MR SPEAKER**

*Thank you.* Nou'n ganny - ou'n ganny en larepons Onorab. Mon annan en minit.

### **HON SEBASTIEN PILLAY**

Napa problem ou, i ok ou. Zis ki mon ti oule dir avek SS Payet eski nou kapab osi ganny en *commitment* avek Minister Finans, ki zot pou regard dan kondisyon *secondment* bann *personnel*; par egzanp swa Lafors Defans swa lezot lafors.

Akoz nou vwar i annan *interagency use of resources* ki parfwa ou bezwen regard osi ki mannyer sa bann Zofisyen sa bann *personnel* i santi vizavi sa travay adisyonnell.

E parey mon'n dir i pa kapab esper *Mid-year Review* i bezwen ganny fer dan *first quarter* lannen. Mersi.

### **MR SPEAKER**

Mersi Onorab. SS Payet petet wi oubyen non ti a sifi.

### **SS PATRICK PAYET**

Wi Mr Chair. Mersi.

### **MR SPEAKER**

*Thank you.* Nou a vot lo Bidze pou *Anti-Corruption Commission Seychelles* ki lo paz 135 ziska 137 pou en total R18milyon 517mil. Manm ki an faver lev lanmen silvouple? Mersi, tou dimoun in vote.

Bidze pou *Anti-Corruption Commission* pou en total R18milyon 517mil, 27 Manm in vot pour, 0 kont, 0 abstansyon. Bidze in aprouve par Lasanble.

Avek sa madanm *Commissioner* ek ou bann Zofisyen nou a les zot fer zot depar, nou a swet zot bonn kontinyasyon pou travay avek lankourazman ki zot in gannyen ek Lasanble Nasyonal. Mersi.

### **TRUTH RECONCILIATION AND NATIONAL UNITY COMMISSION**

### **MR SPEAKER**

Byen, nou pou pran Bidze *Truth Reconciliation and National Unity Commission* ki lo paz 138 ziska 142 pou en total R15milyon 997mil. Nou pa'n ganny en zofisyen sa *Commission* pou zwenn nou ozordi alor SS Payet pou eksplik sa Bidze, e i osi pou pran okenn kestyon ki i kapab lo size sif ki dan sa Bidze. SS Payet ou a eksplik sa Bidze silvouple.

### **SS PATRICK PAYET**

Mersi Mr Chair. Mr Chair lo kote *TRNUC*, pou lannen 2022 parey zot konnen i pou dernyen lannen ki sa antite pou egziste. Sanmenm zot pou vwar ki letan nou'n mete lo paz 140, zot pou vwar ki napa en *forecast* pou 2023 ek 2024. E Bidze ki in gannyen pou lannen 2022 i 2.49milyon an plis letan ou

konpar li avek Bidze revize pou lannen 2021.

I annan *increase* ki nou'n fer alokasyon, dan saler i annan 1.2milyon adisyonnell, e anba *goods and services* i annan 1.3milyon. Parey zot okouran ki letan nou, nou ti pe prepar Bidze nou ti'n met tou bann saler bann *Commissioner*.

E aktyelman parey zot okouran i annan 2 Komisyoner an mwens ki lavaler apepre R80mil par mwan, e sa osi zot pou kapab servi vi ki i annan bann lezot resours adisyonnell ki zot pe demande e ki zot ti'n demande pou vwar li dan zot Bidze dan son totalite.

So sa i an gro kekfwa Mr Chair kekfwa si i annan okenn lezot kestyon en pe spesifik lo kote Bidze, mon konnen kekfwa nou pa pou kapab reponn kestyon lo son loperasyon, me si i annan kestyon lo son *specific*, lo Bidze nou a kapab reponn. Mersi.

### **MR SPEAKER**

Mersi. Okenn kestyon sorti kot bann Manm? Byen, Onorab Aglae i kapab konmanse.

### **HON EGBERT AGLAE**

Yes. Mersi Mr Chair. SS ou'n nonmen poudir i annan en logmantasyon 2.9 ki pirman pe al dan *goods and services*, mon

mazinen. Eski an vi ki i annan en rediksyon dan zot bann *Commissioners by day*.

E still nou'n war logmantasyon. Eski sa logmantasyon pe vize ver logmantasyon dan saler ki pou al avek *staffing*, ouswa eski i annan okenn anormalite ki zot pe bezwen rektifye, an vi bann demann ki sa komisyon li menm in met devan Finans? Mersi.

### **MR SPEAKER**

Mersi Onorab. SS eski ou kapa adres?

### **SS PATRICK PAYET**

Mersi Mr Chair. Mersi Onorab. Mr Chair lo kote saler ou pou vwar i annan en logmantasyon 7.5milyon revize 2021 ki'n ariv 8.7milyon. E dan sa ogmantasyon nou'n vwar ki nou'n met larzan adisyonnell pou en *Executive Secretary* ki ti ganny aprouve 2021, me selman ki pou ganny *recruit* 2022.

Apre osi ki nou'n mete se bann *gratwite* e *end of contract payment* pou bann *staff* operasyonnell e osi lo kote zot bann, zot *Chairperson*, *Vice-Chairperson* avek *Commissioner*. Sa osi i annan zot bann *gratwite* ki zot bezwen

ganny peye parey Lalwa i ganny demande.

Sa 2 Komisyoner ki ti *resign*, son larzan li in ganny transfer anba zot *good and services* e ladan nou konnen ki zot pe *recruit* bann konsiltan adisyonnel. E en konsiltan ki nou ti donn zot parey zot okouran dan Bidze 2021 letan nou ti vin *supplementary* i pour sa dimoun legal.

Me sa i pou son *full cost* lannen prosenn. Me selman letan nou'n vwar *procurement* in arive, zot in demann ankor 2 *foreign consultant* ki zot pe servi pou zot met travay. Mersi.

### **MR SPEAKER**

Mersi SS. Onorab Loze ou kestyon.

### **HON JOHAN LOZE**

Mersi Mr Speaker. Mr Speaker SS in sit sonm logmantasyon ki *TRNUC* pe gannyen, petet SS ti ava annan la konplezans pou sit zot *full Bidze antye*, ki zot pa'n pare pou vin defann devan Lasanble. Mersi Mr Speaker.

### **MR SPEAKER**

Wi mon pa'n tro konpran kestyon. Me SS si ou a kapab adrese, adrese apropriyeman.

### **SS PATRICK PAYET**

Mersi Mr Chair. Mersi Onorab. Mon krwar kekfwa Onorab ti pe demann zot *full budget* ki nou pe demande for Bidze 2022. I 15milyon, 997mil. Mersi. Mon krwar sa ki i ti pe demande.

### **MR SPEAKER**

Thank you. SS. Onorab Georges.

### **HON BERNARD GEORGES**

Mersi Mr Chair. Mr Chair mon ti a kontan demann SS en kestyon ki pa dan liv. Mon pa pou demann ou en kestyon ki mon ti'n kapab lir dan sa dokiman ki ou'n anvoy nou deza.

Kestyon ki mon anvi demann SS, se eski zot in fer provizyon pou lefet ki kantmenm sa travay pou fini sa lannen, i pou *still* annan travay ekrir rapor e travay antesedan apre sa ki riske swiv.

Etandonnen ki *TRNUC* i en lenstitisyon osi enportan e ki la parey ou'n fer resorti SS, i son dernyen lannen e i annefe i pa pou er en *full* lannen mon krwar i pou fini dan milye lannen;

Eski i annan sifizaman sipor dan ou pwennvi pou sa lenstitisyon kapab *achieve* sa travay enportan ki Lasanble i met lo li, atraver en Mosyon ek en Lalwa dan lentere Nasyonal?

Pour ki *at the end of the day* tou sa larzan ki nou'n depanse, lo *TRNUC* pandan sa 3an ki in dan son legzistans, i ava kapab abouti en dokiman ki pou reflekte lenportans son travay, e met devan lepep Seselwa egzakteman sa in arive pandan sa peryod letan ki in egzaminen? Mersi.

### **MR SPEAKER**

*Thank you Onorab. SS ou repons.*

### **SS PATRICK PAYET**

Mersi Mr Chair. Mersi Onorab. Mr Chair definitivman dan diskisyon ki nou'n gannyen avek *TRNUC* ki nou'n mansyonnen; par egzant premye letan zot in mansyonnen zot in demann bokou asistan dan bann dimoun legal.

E dan diskisyon ki nou'n diskite avek zot, pou nou vwar ki mannyer bann travayer legal ki egziste dan bann Minister pou kapab *supplement* en pe zot bann travay, dan plas kekfwa zot pou ariv kot bann dimoun *fulltime*, donn zot sa bann dimoun dan sa Minister donn zot en *allowance* adisyonnal pou kapab siport zot.

So sa i en diskisyon ki nou'n gannyen. Lo kote *printing* osi zot bann dokiman par

egzant zot in fer en *special request for printing*, Nou ti'n dir zot ki i egziste ozordi bann *heavy duty printer* dan bann Minister; par egzant dan Minister Finans ouswa dan bann lezot ki nou kapab servi sa bann resours adisyonnal.

So nou pe vwar ki bann lezot resours adisyonnal ki egziste ozordi dan Gouvernman, pou siport zot travay an vi ki nou ekspekte ki *by Out, Septanm* zot in konplet zot legzersis. So i annan sa bann lezot resours ki nou'n diskite avek zot pou nou *supplement* en pe zot travay. Mersi.

### **MR SPEAKER**

Mersi SS. Onorab Pillay.

### **HON SEBASTIEN PILLAY**

Mersi Mr Chairman. Mr Chairman premyerman les mwan eksprim mon regre, gran regre ki mon annan, ki *TRNUC* pa'n kapab vin devan Lasanble pou vin eksplik nou son Bidze.

Pou mwan mon war sa i en keksoz ki tre drol, akoz zis avan la nou fek ganny nou ACCS, e Ms De Silva ki'n vreman, vreman okipe ki'n bezwen al travay, fer travay partou, in vwar sa letan pou li kapab vin devan Lasanble e defann son Bidze e defann li tre byen.

Mon ekout kestyon ki Onorab Georges in fek demande, be sa ti en kestyon ki ti devret pe ganny demande avek *TRNUC* ler i vin la!

E se sa rezon akoz i devret pe vin devan Lasanble, pou dir avek lepep Seselwa ki mannyer son travay pou kontinyen e ki plan i annan pou kontiny son travay; e ki bann demann ki in fer pou tou sa dimoun konplenan e lezot ki'n al devan *TRNUC* pou koz devan *TRNUC*. Son rol *se foster national unity not foster national division!*

E s ki mon pe war, Mr Chairman permet mwan *please*, akoz mon krwar i nou Drwa koman Manm Lasanble ler nou pe al depans R16milyon lo en lenstitisyon, pou nou kapab demann kestyon lo sa lenstitisyon.

Par egzanp nou pe met R544mil atraver *Housing Allowance* ki plis, menm si nou pe dir Minis pou pran 300mil, R544mil pou en *housing allowance* anba *TRNUC*, nou pe met anba en lot *head*, nou annan nou *ok*, nou annan nou R2.1milyon anba *rent* pou *building*.

Nou annan ou 2.5milyon anba *other service agreements* ki ou pa konnen *what these service agreements are*.

SS fek dir nou poudir nou pe al ganny nouvo konsiltan. Mwan mon anvi donn *TRNUC* resours ki i bezwen pou fini son travay dapre Lalwa ki mwan mon ti vote e siporte dan Lasanble.

Me mon pa kapab fer sa ler mon pou al demann SS Payet kestyon akoz sa Bidze lo ki mannyer i ganny depanse, sete *TRNUC* ki ti devret devan nou Lasanble pou eksplik nou.

### **MR SPEAKER**

Byen. Be nou a fer sa ki mon kapab avek SS Payet Onorab.

### **HON SEBASTIEN PILLAY**

Mon krwar Mr Chairman, mon krwar koman Speaker Lasanble Nasyonal ou devret, ou devret lo nou par eksprimen ki ler antite son Bidze i *immaterial*. Mon pa pe koz en antite ek son Bidze i R1.2milyon parey en Konsey anba Minister Lasante ki Minis Lasante i byen kapab reponn parey Minis Lasante in fer dan son kapasite avek son leksperyans ki i annan.

Ki nou ganny sa bann antite vin devan Lasanble. Be mon krwar mon'n fer mon pwen. Me en keksoz ki mon ti a kontan met devan SS prezan, nou pe ganny dir ki sa Bidze pa pou ale ziska lafen lannen. *But*

*this is a Bidze, a budget for a whole year.*

Nou pa'n ganny okenn leksplikasyon akoz 2 Komisyoner in deside aret travay *midway* avek TRNUC. E nou ti pe pey sa 2 Komisyoner *a monthly* konbyen? R80mil, si mon korek. E zis nou pran sa R80mil nou *reassign* li dan Bidze TRNUC, no questions asked.

E Lasanble nou pa pou demann kestyon lo la. Mon konpran nou tou nou anvi sa e mon pa pe koz TRNUC son travay mon pe koz lo nou rol koman Lezislater pou nou fer nou travay. E mon santi Mr Chairman ki SS pa dan en pozisyon pou donn nou serten larepons ki nou ti a kontan gannyen.

Me lefe ki koman Chairman ou'n eksprim lafason ki keksoz pou prosede, mon pou respe ou Lofis e mon pou demann mon kestyon avek SS baze lo sa dokiman ki devan nou. E mon swete personn, pa *text* personn pou donn okenn lenformasyon.

Premyerman Mr Chairman mon ti a kontan demann SS pou klarifye avek nou an relasyon avek bann travayer ki'n travay avek TRNUC, ki'n donn li sipor pou fer bann *case*, bann *case*

officers eksetera, reasir nou ki tou bann *case officers* pou ganny peye tou zot bann *dues*, zot bann saler? E ki pou arive *mid-year*?

Mon'n tann Onorab Georges koz lo *mid-year*, ki pou arive *mid-year* ler sa bann dimoun, sa Komisyon pou nepli annan travay.

Eski sa Komisyon in koz avek Minister Finans pou vwar si sa bann travayer i kapab kontiny zot travay, lo bann *case* bann endividé ki'n vin devan TRNUC in *pour zot heart out*, pou zot bann *case* malgre i annan ki'n pran bokou letan in ganny sans pran plis letan ki lezot.

So eski pou annan, pou annan posibilité pou sa bann dimoun kapab fer sa?

Dezyenmman *regarding* bann rekomandasyon ki TRNUC. Mon war i drol Lasanble nou pa konsernen ek sa. Nou ti devret kapab ganny TRNUC pou eksplik nou ki pou arive ek son bann rekomandasyon. Me nou pe les sa ale.

So, mon pa konnen si i annan diskisyon ki'n ganny fer avek SS vizavi bann rekomandasyon, ki TRNUC ti anvi pas devan. E mon dernyen kestyon Mr Chairman malgre ki ler mon'n ekoute yer mon'n

santi mon'n ganny *referred to* as 'sa pti group.' Ou a rapel ou menm ou ti deza ganny en *referred* Mr Chairman avek tou respe koman 'sa pti group.'

Si nou pe arive an 2021 ki nou rekomans *refer* tou dimoun koman 'en pti group', en referans ki nou'n lager pou tire, i pou enteresan pou vvar ki mannyer vreman nou pou *foster national unity* dan sa pei. Mersi Mr Chairman.

### **MR SPEAKER**

Mersi SS. Sirman i ava adres serten pwen ki i kapab. SS ou annan laparol.

### **SS PATRICK PAYET**

Mersi Mr Chair. Mersi Onorab pou sa 2 kestyon. Parey zot okouran ki tou bann *staff TRNUC* i lo en kontra, *specific* kontra.

E sa nou ti diskit avek zot *at the start*, si zot in fer sa bann *staff* okouran ki letan zot in pran sa rol, si zot okouran? Par egzanp nou ti okouran ki mazorite bann *staff* ti pe *resign* enn de dan bann lezot antite Gouvernman ki zot ti dan en *fulltime employment*, si zot ti okouran ki zot ti pe pran en *specific contract of employment for the specific peryod* ki *Truth and Reconciliation Commission* i egziste?

E sa nou ti diskit ek zot dan diskisyon Bidze, i pa zis sa lannen me bann lannen presedan avan. E zot ti fer nou okouran ki wi zot ti'n met sa devan akoz sa bann *Clauses* ki zot in mete dan zot kontra.

Sa bann *staff* zot definitivman zot sa bann ki lo *short term* e *fixed term* i annan bann *specific* gratwite ki zot pou ganny peye. E sa i *as fair* ki nou'n, ete dan Bidze. E diskisyon avek zot osi ki zot in dir nou ki *staff* pou zot, zot in kontan, akoz kekfwa sa leksperyans ki zot in gannyen akoz sa kantite *case* ki zot in dil avek.

E sa kekfwa i a fasilit en pe zot prodwir letan kekfwa zot pe ganny *recruit* dan bann lezot antite Gouvernman si i annan *available, recruitment available*. Sa nou ti diskit avek zot. So dan diskisyon osi ki nou'n vvar ki letan akoz parey zot manda i demande, e parey Lalwa zot bann case par egzanp si i annan ki pou al kot *Attorney Zeneral*.

E osi en diskisyon se pou transfer bann dokiman kot *Human Rights Commission*. So i annan bann diskisyon ki nou'n komanse e sa definitivman par egzanp nou pou bezwen revwar letan nou pe set Bidze 2023.

Par egzanp pou *Human Rights* Komisyon, pou nou vvar

par egzanp pou zot *manage* sa bann *case* ki pou vin kot zot, e ki kantite Bidze sipor ki zot pou bezwen pour 2023. So i annan diskisyon ki pe ganny fer lo sa bann size. Mersi Mr Chair.

### **MR SPEAKER**

Mersi SS. Avez sa - wi Onorab Georges?

### **HON BERNARD GEORGES**

Mersi Mr Chair. Mr Chair mon krwar ki i mon responsabilite pou mwan fer en pwen klarifikasyon, lo en *statement* ki Onorab *Leader* Lopozisyon in dir.

E nou ti konnen ki zot ti pou sey fer en pe politik lo *TRNUC*. *In fact* sa in komans avek Onorab Loze ki'n trouv en kestyon pou li kapab dir *TRNUC* pa'n kapab vin defann zot Bidze devan Lasanble.

Mon ti a kontan met devan Lasanble Mr Chair, ki dan *ABC* avek SS Payet prezant, ler nou ti demande lekel antite ki ti pou vin devan Lasanble nou ti deside, e Onorab *Leader* Lopozisyon ti parmi ki *TRNUC* pa ti pou vin devan Lasanble. Sa ti desizyon,

**(APPLAUSE)**

### **MR SPEAKER**

Ok. Onorab Georges annou pa al pli lwen avek sa.

### **HON BERNARD GEORGES**

Mersi. Mon ti a kontan zis fini avek sa.

### **MR SPEAKER**

Onorab Pillay i *deny* ki i ti parti,

### **HON BERNARD GEORGES**

Mon ti a kontan zis fini avek sa Mr Chair. Mr Chair mon ti a zis kontan dir avek Onorab Pillay e reasir li ki tou sa bann keksoz ki i ti anvi konnen lo *TRNUC*, e ki SS Payet in demande e si i pa satisfe avek repons SS Payet, i annan privilez *Leader* Lopozisyon demann en *PNQ*, anmenn *TRNUC* la demann zot sa bann kestyon *and that will be the end of the matter!*

**(APPLAUSE)**

### **MR SPEAKER**

Mersi. Onorab Pillay ou'n fini dir ou pa dakor avek *statement* ki soz lo la. So nou pa pou la pli lwen ki sa. eski sa ou sel pwen?

### **HON SEBASTIEN PILLAY**

Mersi Mr Chairman. Mr Chairman petet avek ou permisyon,

### **MR SPEAKER**

Nou pa pe fer en gran deba en.

## **HON SEBASTIEN PILLAY**

Non, mon pa pe fer deba Mr Chairman petet avek ou permisyon mon pou fer zis 2 pwen, 2 pwen vreman kourt. Premyerman enn, se ki i pa *Leader Zafer Gouvernman* ki pou dir mon kan, e keler e pour lekel mon pou anmenn en *PNQ*. Annou ganny sa kler.

Dezyenmman, dezyenmman si mon'n ofans Leader Lopozisyon, *Leader Zafer Gouvernman* ler mon'n dir zafer *text*, mwan dan mon lentegrite e mon konesans e mon leksperyans zanmen mon pou konsider en Bidze R16milyon *immaterial*. Zanmen!

Tou bann antite ki zot Bidze pa'n vin devan Lasanble, zot Bidze i bann Bidze ki vreman minim, oubyen bann Minis ki'n la in kapab eksplik sa bann Bidze. So mon kategorikman-kategorikman deny sa *statement* ki Onorab Georges in fer. Mersi Mr Chair.

## **MR SPEAKER**

Ok. Mersi. Mon a zis koriz en pwen. Bann antite ki nou pa'n pran deba lo la, i pa neseserman ki zot Bidze in minim, oubyen 1milyon, 2 milyon i zis serten antite ki nou'n santi Lasanble pa

neseserman bezwen antre lo kestyon zot Bidze an detay. So sa, mon zis dir sa lo lapar ABC ki mon Chair. Mersi.

Prezan nou a vot lo Bidze pou *Truth Reconciliation and National Unity Commission*, ki lo paz 138 a 142 pou en total R15milyon 997mil.

Manm ki an faver lev lanmen silvouple? Mersi.

(*Interruption*)

## **MR SPEAKER**

*Order please! Thank you.*  
Manm ki vot kont. Mersi madanm Clerk.

(*Interruption*)

## **MR SPEAKER**

Ale annou arete silvouple. Bidze *Truth Reconciliation and National Unity Commission*, pou R15milyon 997mil. 19 Manm in vot pour 0 kont e 7 in *abstain*. Donk sa Bidze in aprouve par Lasanble.

Nou pou pran en lot antite, me selman nou a pran en pti poz, en pti *break* pou *sanitizing* avan. En pti poz teknik silvouple. Mersi.

(*technical break*)

## **MR SPEAKER**

(Off-Mic)

### **MR SPEAKER**

Yes Onorab Pillay. Ou ava adres sa apre Lasanble Onorab. Yes please.

### **FINANCIAL INTELLIGENCE UNIT**

### **MR SPEAKER**

Bonn apre midi e byenveni delegasyon *Financial Intelligence Unit*. Reprezante par son Direkter Mr Richard Rampal, son *Deputy Director* Mrs Debra Port-Louis e *Head of operations* Mrs Angele Low-Sauzier.

Mersi pou zot prezans e zot partisipasyon. Bidze *Financial Intelligence Unit* i lo paz 206 ziska 211 pou en total R19milyon 64mil. *Director* mon ava envit ou fer prezantasyon lo ou Bidze.

### **DIRECTOR FIU RICHARD RAMPAL**

Mersi Mr Chair. Bonn apre midi tou Manm Onorab e bonn apre midi tou manm piblik a lekout.

Mr Speaker parey ou okouran anba Lalwa *Anti-Money Laundering and Countering Financing of Terrorism Act*, FIU i prensipalman annan manda

pou li resevwar e analiz bann rapor lo bann tranzaksyon abnormal ki ganny rapporte par bann *reporting entities* kot nou.

E nou fer sa an etrwat kolaborasyon avek bann differan Lotorite ki anfors Lalwa ki asiste dan deteksyon e prosekisyon krim relye avek blansisaz larzan, e finansman terorizm.

FIU i osi annan manda pou li superviz bann antite koni koman bann *designated non-financial businesses and professions DNFBPs*.

E menm osi pou nou administre sa *Seychelles Beneficial Ownership Database* ki zot okouran ki *maintain* tou bann lenformasyon lo bann *beneficial owner of* bann lenformasyon, bann antite ki ganny enformen isi Sesel.

Avek Bidze lannen 2020 FIU in kapab annan bokou lakonplisman avek sa sipor bidzeter, FIU nou'n kapab fer en seri of rekritman pour bann *analyst* espesyalman ki *focus plis* lo laspe fonksyon FIU. E ki nou'n kapab partaz bann rapor spesifik avek bann differan antite.

E osi tou avek nou'n kapab menm enplimant en nouveau platform nimerik ki *host* sa *database of beneficial owner* ki annan serten aktivite tre

avanse ki'n fer lo sa platform. E osi tou nou'n fer bann piblikasyon ki en pti pe pli regilye, tou bann *reporting entities* e osi tou bann *competent authorities*.

Pour esey kapab montre bann *areas* kot i annan *weaknesses* dan sistenm. E osi enkli pou nou esey *towards* en fason sipervizyon of nou bann *DNFBPs on a risk sensitive basis*.

Malgre sa bann lakonplisman, e nou osi annan serten defi ki nou'n eksperyanse. Espesyalman se ki konsern lo nou resours imen ki sa in vin en vre *Challenge, in terms of like pool of expertise* ki nou annan *on the ground versus* bann diferan antite ki enkli prive osi, ki bezwen sanmenm konpetans pou zot atrakte. So *FIU* nou'n war nou dan serten kontrent.

E osi lo sa laspe sansibilizasyon Nasjonal ki lo bann reform ki'n ganny er lo sa kad *AMLCFT* e menm *beneficial ownership* espesyalman ler nou pe regard lo kote domestik, nou vwar ki i annan en *great challenge in reaching out to* popilasyon pou fer zot konpran bann diferan reform.

E avek sa i zis en pti *summary* lo kote *FIU* ki nou'n akonplir avek sa *previous*

*budget* e ozordi nou la, nou annan siport lo zot propozisyon Bidzeter pou 2022. Mersi Mr Chair.

### **MR SPEAKER**

Mersi. Nou a komans avek kestyon bann Manm e Onorab Vidot ou'n fek lev lanmen ou non? Ou kapab komanse. Tenir lanmen en pti moman bann lezot silvouple. Bon Onorab Vidot ou kestyon.

### **HON AUDREY VIDOT**

Mersi Mr Chair. Bonn apre midi Mr Chair e tou Manm Onorab. SS ek lekip devan e tou dimoun ki a lekout.

Mon kestyon petet atraver SS, letan *FIU* in diskrit zot Bidze avek Finans, eski i annan bann travay an plis anver parey pou regard en pti pe kondisyon lanvironnman kot bann travayer *FIU* i ete. Prenon kont ki mon konnen i annan en kontrent, mon rapel ler nou ti fer vizit, ti annan en *issue* an term lespas.

Eski zot vwar i konvenab pou zot kapab travay e delivre lo sa manda ki zot annan?

E dezyenmman, eski bann travayer zot menm, ou'n koz an term bann *package* bann *challenge* ki zot in gannyen an term pou *recruitment*, eski bann ki deza la zot saler i kadre pou

anpes zot annan okenn move tantasyon *in terms of* parey natir zot louvraz i ete, e ki kapab ed zot pou kapab delivre pli byen an term zot manda? *Thank you.*

### **MR SPEAKER**

*Thank you.* Onorab. *Director* ou a pran larepons. *Panel* annou gard bann repons bref e direk silvouple pou kestyon letan.

### **DIRECTOR FIU RICHARD RAMPAL**

Mersi Mr Chair. Mersi Onorab pou ou kestyon. Premye petet mon, zis pou klarifye petet i annan en konfizyon ant *FIU* ek *FCIU* par rapor *to* sa premye kestyon. Petet i vizit ki'n ganny fer kot *FCIU*, me selman ki ganny *house* lo *premises* anba administrasyon *FIU*.

E se ki konsern dezyenm kestyon lo pou *retain* nou bann *staff or si* zot pe ganny *remunerated appropriately?* Sa i en konversasyon ki nou angaz avek Minister Finans. Malgre ki sa Bidze ki nou pe propoze pou 2022 i pa enkli revizman dan *Scheme of Service*.

Me selman nou'n montre lentansyon pou imedyatman koman finansman i *available through* Minister Finans, pou nou kapab reviz sa kad saler. Akoz enn, i pou *despite* nou

anvi *attract* novo talan. Me selman lesansyalite pou *retain* ou *existing workforce* ki nou pa perdi li atraver bann lezot antite Gouvernman, ou avek *domestic sector*.

So sa i en komitman ki nou'n resevwar avek Minister Finans. Mersi.

### **MR SPEAKER**

*Thank you.* Onorab Cosgrow ou kestyon.

### **HON WALLACE COSGROW**

Mersi Mr Chair. Bonn apre midi Mr Rampal avek ou tim.

Mon premye kestyon i konsernan lalit dan koripsyon blansisaz larzan. Taler pli boner nou'n tann *ACCS* in dir nou poudir i annan en mank dan pei, kot i konsern bann *investigators*, sirtou bann *financial crime investigators* pou kapab dil ek bann *case* ki prezant devan bann lenstitisyon.

*Now FIU, ACCS, FCIU* avek bann lezot lorganizasyon zot fer en travay si mon konpran byen ki kordinen ansanm. E sa ki zot, zot fer i osi konplimant louvraz *ACCS*, *FCIU* lezot lorganizasyon parey *SIS* osi ti dir nou menm zafer. So ki zot, zot pe fer *or eski* sa Bidze i prezant loportinite pou zot

kapab envestir dan *training* dan sa menm domenn?

Mon konnen i bann *training* vreman, vreman spesyalize. Me eski sa Bidze i prezant loportinite pou zot envestir dan sa bann domenn, e dan le fitir nou ava kapab ganny nou bann prop Seselwa profesyonnel ki kapab *lead* bann *investigation*, e met n lanvironnman en pe pli normal dan sa ki konsern sa bann *issues*?

Mon dezyenm kestyon zis dir mon ki mannyer *FIU* i antre dan sa senaryo, ki mon pe al dir ou. En Direkter pou en lakonpannyen dan en pei Linyon Eropeen i perdi *license* en biznes, me selman i en menm direkter ki vin aste en lakonpannyen isi Sesel e i ganny drwa, i *actually* ganny drwa fer, *allow* pou fer.

So ki mannyer *FIU* i antre ladan ler i annan tranzaksyon larzan? Eski zot *flag* bann keksoz koumsa? Eski zot annan pouvwar pou dir be non, vi ki in perdi *license* laba i pa kapab vin *operate* isi dan nou ziridiksyon? Ki mannyer *FIU* i antre ladan e ki *FIU* i kapab fer? Mersi.

### **MR SPEAKER**

Mersi Onorab. *Director* oule adrese?

### **DIRECTOR FIU RICHARD RAMPAL**

Mersi Mr Chair. Mersi Onorab. 2 keksoz prensipal ki nou an diskisyon avek Minister Finans. Enn, i *in terms of like reminerasyon* nou bann *staff*, e dezyenm osi enportan i lo kote *training*.

Sa Bidze ki nou'n gannyen la i pa pe reflekte *in terms of like training* ki nou ti ava voudre pou nou gannyen. Parey nou tou nou konnen, i annan bokou levolisyon, i annan bokou sanzman dan lafason ki kriminel i *operate*.

E nou pa pou kapab reste deryer avek sa nou osi tou nou bezwen bouze, e nou bezwen fer sir nou bann *staff* ki zot *empower* zot *equipped* pou zot kapab fer sa bann analis.

E lo sa laspe osi tou, nou deza annan nou *training plan* ki nou, nou'n mete an plas pou nou bann *staff* e alor nou pou pe rod sipor avek Minister Finans ankor, pour kapab asiste nou lo laspe *training*.

E menm an plis osi tou nou pa pe fye lo en sel keksoz. Nou an diskisyon tre avanse avek *EU* kot zot pou pe finans nou pou nou kapab ganny *the expert*, pou zot vin donn nou en pe lasistans e i pa pou lasistans pou vin travay pou nou, me pou

zot vin siport nou, pou zot kapab *mentor* nou bann *staff as oppose to* petet ou tir 2 ou *staff* ou avoye, ou avoye zot al fer serten *training* spesifik.

Ou konnen ler ou ganny endivid i vini nou tou koman en lorganizasyon nou benefisyé atraver sa. So *training* i en priyorite vreman o lo nou azanda. E zis petet mon pa'n tro ganny byen sa legzanz me selman mon ava reakte en pe lo la. Vi ou depan lo ki laspe ki *license* in ganny perdi an deor Sesel.

Si i en keksoz regilatwar i pa pou neseserman anpes en endivid, parey nou dir to be *disqualified as Directors* lo en lakonpannyen. Ou kapab ou'n perdi petet ou '*Fit and Proper*' ki ou komans en Direkter ou bezwen en '*Fit and Proper*' pou ou servi lo en antite.

Me si dan sa lot pei ou pa'n neseserman ki zot in *pursue* li *all the way* pour retir, to *disqualify* you as *Director* nothing stops you ler ou vin isi Sesel pou ou *apply* pou ou resevwar en lakonpannyen, kot ou kapab servi koman en Direkter.

So i annan 2 *level*, *regulatory level* e in terms of ou, ou drwa pou ou kapab servi koman en zofisyé dan en lakonpannyen. Mersi.

### **MR SPEAKER**

Thank you. Kestyon pou Onorab Henrie.

### **HON GERVAIS HENRIE**

Mersi Mr Chair. Bonn apre midi tou dimoun, Mr Chair ler nou ti donn FIU en Bidze sa lannen Minis Finans ti dir sa;

“E alor sa Bidze ki nou pe propoze pou siport FIU pou kapab kontiny zot travay pour lalit kont blansisaz larzan, e finansman terorizm dan nou pei, e mentenir en bon repitasyon dan nou pei”.

An gro mon konpran *but it doesn't say much* pou mwan. So, mon ti ava kontan si Mr Rampal ti ava donn nou'n pe statistik lo keksoz ki zot in fer sa lannen; par egzanz kote anka ki zot in *involve* ladan, kalite ka, konmsi ki prezan nou piblik ki pe ekout nou i ava kapab sezi vreman *what is FIU*.

Akoz i fasil pou zot rol ganny konfize avek FCIU. Nou'n deza tandem dan Lasanble Nasyonal e ki vreman nou konpran e nou war lapratik of FIU. Mersi.

### **MR SPEAKER**

Mersi Onorab. Direkter.

### **DIRECTOR FIU RICHARD RAMPAL**

Mersi Mr Chair. Mersi Onorab pou kestyon. Parey Onorab in dir *FIU* nou *no more* en *Law Enforcements Authority* me selman nou annan en rol vreman kle *in terms of like* bann sipor ki nou donnen pou bann *law enforcement*.

Bokou bann aksyon i konmans lo nou kote, parey ou okouran nou resevwar bann rapor dan bann diferan kalite form. I annan ki ganny rapporte par bann diferan *reporting entities*, bann labank e kelkonk, e menm i annan ki *through* nou bann *analysis* ki nou, nou fer *or* nenport ki sours ki i vin a nou laporte i *land* kot nou, e nou, nou bezwen analize pou nou distribye.

*As we speak* pou sa lannen lo kote bann *reporting entities* nou'n ganny nou *115 reports* li ti antre kot nou ki nou, nou analize e nou'n *disseminate*. Dan sa *115* nou annan *approximately* en *16 a 17* ki'n ganny *forwarded to* bann *Law Enforcement Authority, right?*

Petet ou pou demande akoz setou ki'n ganny *referred to* kot bann *law enforcement?* Sa i en legzersis ki ankor pe kontinyen parey ou konpran nou Lalwa 2020 menm bann *reporting entities* zot osi zot pe aziste, pe sey konpran.

E i annan en ta lenstans ki nou resevwar, nou resevwar bann *defensive reporting* ki antre kot nou, prezan nou ler nou resevwar tou bann *report* nou bezwen kategorize *in terms of* kwa ki nou panse *is of low priority versus high priority*.

E la mazorite pou dir ou *as we speak* i vin *low priority*, akoz i napa ase ledikasyon ki pe deroule avek, mon pou bezwen dir avek bann labank. Akoz? Zot, zot annan sa lobligasyon pou zot konpran profil zot kliyan e *in a lot of case* ki pe arive zour ou, ou'n ouver en *account let's say since 1994* ou *profile has not been updated, ok?*

Ou ti'n kapab komanse *as* en travayer ki pe ganny R2500 e ozordi zour ou'n monte gradyelman. Ou kapab prezan pe ganny ou petet en R35mil, e i totalman normal ler ou pe regarde ki fason ki sa endividé pe *spend or* ki i pe *invest* ladan in sanze, e alor i pa reflekte la realite.

Me parkont lo lot kote osi tou ki nou pe - kwa ki pran bokou nou letan *in terms of like* bann ki nou ofer.

Nou resevwar bokou rapor *intelligences, in terms of like* avek bann lezot *Law Enforcement Authority, ouswa competent Authorities or even*

*from oversees as well in certain cases e nou war plizoumwen bann rapor koumsa, ouswa bann ki nou, nou raise internally i bann ki pli relye avek larealite on the ground.*

Rezon ki mon pe dir ou sa i la mazorite bann ka ki petet nou, nou kapab swiv *at times*, kot petet nou dir i annan bann dimoun ki dil in *narcotics* zot pa pou neseserman servi en *bank account*, pou zot fer zot tranzaksyon.

E sa i vin atraver lentelizans ki nou, nou gannyen e de la nou, nou *process* sa bann lenformasyon. Nou fer nou bann *inquiries* nou *build up e nou, nou pass on* sa bann lentelizans *intelligence reports to* sa bann *Law Enforcement Authority*.

E sa i e keksoz ki toulstan mon dir, la realite ki nou resevwar dan nou bann STR i pa reflekte la realite ki *is on the ground*. I sa bann lentelizans ki nou *share between agency*, ki en pti pe pli konekte avek la realite. Zis pou mwan rektifye mon'n, *it's 115 dissemination* ki nou, nou'n fer kot bann *competent authorities and STR received is 246*.

I annan en gran *gap between STR received versus that* ki nou'n *disseminate*. Mersi.

### **MR SPEAKER**

*Thank you Director. Yes, follow up vitman si oule.*

### **HON GERVAIS HENRIE**

Mersi Mr Chair. Mersi pou ou larepons. Solman i *still* pa kler pou mwan, akoz mwan mon anvi sa dimoun ki pe get televizyon *right now* dan en *flat Mont Signal* i konpran akoz ou la.

115 rapor;- konmsi mon anvi konnen poudir dan 115 rapor 2 ladan ti annan pou fer avek trafik imen, 15 ti annan pou fer ek drog, 17 ti pe annan pou aste zarm. Ki preznan sa dimoun i konpran i dir, anr sa ki FIU i fer - ou konpran mwan?

### **MR SPEAKER**

Mersi Onorab. *Director* si ou kapab eksplike. Nou a ekout ou.

### **DIRECTOR FIU RICHARD RAMPAL**

Mersi Mr Chair. Mersi Onorab. Wi, mon pa pou kapab donn ou *statistics in terms of par rapor to* sa 246 ki bann *diferan predicate offenc*, parey nou dir.

Me selman sa lenformasyon i *available* ki mon kapab *share*. E zis pou donn sa dimoun dan sa *flat* en rekonfor parey ou pe dir, ler nou, nou fer

sa bann analis nou bezwen regarde *in terms of like* ki bann lofans ki'n ganny kree. *Any proceeds of a criminal act* nou, nou bezwen analize pou nou kapab etablir ki lofans ki posibilite ki en lofans in ganny fer par en tranzaksyon finansyel.

So prezan nou *FIU* nou ganny sa pouvwar pou nou access serten lenformasyon finansyel direkteman, pou nou fer bann *analysis* lo la. E de la nou *by virtue* ki nou, nou pa en *Law Enforcement Authority*, ler nou'n fer *analysis* nou panse ki i annan en *act* kriminel ki'n ganny arive e alor ki nou fer nou, nou gete.

E si i annan en *tax offence* nou pran sa nou *pass li on to SRC* pou zot fer le neseser. Si i annan petet i annan frod, sa i ganny *packaged koman en intelligence report*, i ganny pas kot Lapolis. E tou depan lo diferan krim ki nou sispekte ki prezan nou, nou *facilitate* - si mon kapab dir sa nou *facilitate* sa lalit kont blansisman larzan an zeneral.

### **MR SPEAKER**

*Thank you Director.* Nou a kapab *move on*. E mon a pas kestyon Onorab Loze.

### **HON JOHAN LOZE**

Mersi Mr Speaker. *Director* i annan en keksoz ki pe komans *sour* Sesel avan ki i menm komanse mon kapab dire sa se *the crypto currency market itself*.

Sesel pe ganny subjected to en kantite *scams and fraudulent activities* i annan menm ki annan Seselwa ki involve ladan. *Although lamazorite Seselwa i legitimately involved in supporting the decentralized network.* Mwan mon enn parmi.

Me ki mon anvi konnen ozordi mon, eski ou, ou santi ki ou annan ase resours a ou dispozisyon ozordi, pou ou vreman letan ou ganny rapor, rapor i ganny *raised*, akoz i en keksoz konplike naturelman.

Eski ou annan ase resours e konpetans a ou dispozisyon pou ou *carry out* en analiz en lenvestigasyon konkret dan sa matter? Mersi Mr Speaker.

### **MR SPEAKER**

*Thank you Onorab. Director.* Ou ava adrese *please*.

### **DIRECTOR FIU RICHARD RAMPAL**

Mersi Onorab pou ou kestyon. *Straight forward* lo se ki konsern lo *virtual asset* sa i still

*remain en challenge pou nou as a country.*

Akoz premyerman *despite* ki nou konnen nou annan bann lakonpannyen ki *part of it*, la mazorite ka i bann *international business companies or parey* Onorab ti pe dir nou annan bann endividé ki siporte.

Nou pa ankor annan en kad legal ki an cadre sa aktivite. E me selman parkont nou pe fer diskisyon e ki in agree pou nou fer en *risk assessment* lo sa sekter, pou nou fer en *basic assessment*. E *outcome of sa risk assessment* i pour ed nou pou nou kapab vin avek e kad legal, pou nou kapab *regulate* sa sekter.

Me pou reponn ou kestyon lo kote *FIU*, si nou annan sa bagaz pou nou kapab *lead* en *investigation* fer *analysis* lo la, sa i en *area* ki nou pa ankor kapab *build* en kapasite lo la.

Me *regardless of* kot nou pa ankor neseserman *build* kapasite, nou'n war nou i annan lenstans kot in annan *investigation that has been led by law enforcement outside of Seychelles*, ki nou'n fer le neseser nou. Nou ti *freeze* sa *wallet* anba Seksyon 327.

E nou ti fer *dissemination* kot Lapolis e ki i annan ka ki'n ganny mete Ankour *for restrain order* lo en *significant amount of*

larzan ki ganny sispekte koman *proceeds of crime*. E dan sa ki ti en ka ki relye to koripsyon, e ki sa i ankor avek Lakour pou determinen *in terms of* loke dan *restraining order* lo la.

Me selman *despite* nou napa sa kapasite, nou pe eseye *with* resours ki nou annan pou nou kapab esey anpes nou kad finansyel pou ganny servi malapropro. Mersi.

### **MR SPEAKER**

*Thank you. Yes Onorab Loze klarifikasyon vitman.*

### **HON JOHAN LOZE**

Mersi Mr Speaker. Mr Rampal mon senpatiz avek ou, akoz *believe me* i difisil pou tou dimoun. *The whole basis of decentralize network se anonymity* e ou menm annan *tokens* ki *market* zot lekor as *anonymous tokens*.

Me selman petet sa ki mon ti viz *towards* mwan, se plito bann lakonpannyen ki anrezistre Sesel ou konnen.

Zot, zot pli a ou laporte zot. Ou konnen resaman nou'n come across enn ki'n menm refize - *in fact* Onorab Vidot ki ti port sa a mon latansyon, zot menm refize pou *close accounts* zot bann kliyan.

En kliyan Lerop pe siny avek en lakonpannyen

anrezistre Sesel, silvoupled ferm sa kont ki mon annan ek ou pou rezon regilasyon taks kot mwan. I annan en kantite papye. Refize kategorikman refize e li i en lakonpannyen anrezistre Sesel li la aprezan sa i dekoul lo nou repitasyon. Mersi Mr Speaker.

### **MR SPEAKER**

*Thank you. Direkter si ou kapab adres sa vitman please si ou annan leksplikasyon.*

### **DIRECTOR FIU RICHARD RAMPAL**

Mersi Onorab pou ou kestyon. Me selman lo sa laspe parey mon pe dir nou napa sa pouvwar, anba kad legal par egzanp *let's say* dan sa lenstans koumsa, petet nou ti pou *intervene*, ouswa sa Lotorite konsernen ki ti pou *regulate* parey nou sekter *let's say offshore sector*.

Me dan labsans sa kad legal, i en pe difisil pou nou kapab *intervene* lo sa laspe koumsa. Me selman parkont pou sa lenstans ki nou, nou'n kapab *intervene* ler mon pe regarde nou Lalwa pou fer *freezing*, i ti ase *broad enough* ki in kapab permet nou pou *reach out* lo sa *IBC*. E pou nou kapab fer serten *freezing* lo sa *wallet* spesifik. Mersi.

### **MR SPEAKER**

*Thank you Director. Onorab Woodcock ou kestyon please.*

### **HON WAVEL WOODCOCK**

Mersi Mr Speaker. Bonn apre midi *CEO*. Mon kestyon Mr Speaker i baze lo sa seksyon lo *current challenges and risk*. Annefe in ganny fer resorti ki zot pa'n nobou, *FIU* pa'n nobou *satisfactory rollout FIU's public awareness programs*.

E mon bezwen fer resorti ki i annan en cours popilasyon ki ankor annan serten persepsyon negativ lo *FIU*, sirtou apre, sirtou akoz sa peryod nwani dan listwar *FIU* anba bann Irlande;- kot zot ti sezi kont biznes, *blackmail* bann biznes, bann biznesmenn fer zot pey plizyer milyon pou larg zot kont.

Kreasyon bann *shell companies* Moris kot zot ti pe pey zot lekor. E tousala ti arive anba *watch Gouvernman* presedan. E repitasyon *FIU* ti'n ganny afekte. Mon kestyon i ki *FIU* in fer pou *rebuild trust* piblik sirtou atraver *PR*, atraver *Public Relations?* Mersi.

### **MR SPEAKER**

*Thank you. Director ou repons.*

## **DIRECTOR FIU RICHARD RAMPAL**

Mersi Mr Chair. Mersi Onorab. Petet zis mon ava donn en pozisyon en pe global lo la. Depi ler ki mon pran lofis in annan bokou reform ki ganny fer, ki menm enkli bann zefor ki pe ganny fer *at a national level through Komite NAC.*

In annan, premyerman in annan revizman lo Lalwa prensipal ki gouvern *FIU*, e petet i annan serten bann provizyon anba Lalwa ki petet nou pa ti neseserman konfortab avek espesyalman lo kote bann *freezing* ki diferan lopinyon in annan lo la petet i annan fwa ki menm *FIU* ti'n ganny trouve pour annan *excessive power.*

E tousala in ganny reviz. E e *in terms of like* nou menm nou *FIU*, kantmenm oparavan nou ti annan sa *law enforcement*, sa manda koman en *Law Enforcement Authority*, ki nou'n war, nou'n war osi tou nou ti pe negliz sa kor fonksyon ki tou *FIU*, *FIU* i ganny formen anba rekomandasyon *FATF right?*

E en sel antite anba rekomandasyon *FATF* i ganny rekonmande pou ganny diformen i *FIU*. I en sant ki resevwar bann rapor pou nou analize, pou nou *disseminate*. Me *despite* avan nou ti en *Law*

*Enforcement Authority* ti napa bokou.

Ti napa okenn aktivite si mon kapab dir li koumsa *in terms of like what we are doing.*

So ler ou pe war sa bann rapor ki parey nou'n dir oparavan e i pe ganny *disseminate*, sa i bann lendikasyon ki nou pe al dan sa *right direction. In terms of like now instead of* petet parfwa zis ler nou resevwar rapor, *instead of* asize analize nou ti *jump straight into* al fer *investigation*, me la an se moman sa i en konponan vreman enportan ki pe arive osi tou.

E i annan sa laspe sipervizyon osi tou ki *FIU now* nou part of the tripartite regulatory pou nou, nou focus lo bann *DNFBPs* parey nou'n dir. E lo sa oparavan anba previous Lalwa pa'n zanmen annan any bann aktivite sipervizyon ki'n ganny deroule.

La nou pe koz lo bann lawyers, nou pe koz lo accountants, car dealership, high value goods dealer.

E as we speak right now nou menm fer en risk assessment lo zot e nou pe, nou lentansyon i pou ler nou finaliz nou risk-based supervision nou komans enplimant sa boner lannen prosenn.

E menm osi tou nou annan sa manda anba sa *Beneficial Ownership Act* kot nou annan manda anba *Beneficial Ownership Act* pou nou *maintain* nou bann lenformasyon, e fer supervizyon lo bann lakonpannyen domestik.

E parey ou'n war nou'n *reach out*. Nou ti komans nou legzersis Praslin/ La Digue pou nou fer *awareness* pou nou kapab edik e sensibiliz piblik, bann ki servi bann antite pou zot fer *biznes*, pou zot kapab konpran en pe ki pe arive. So, an gro sa i en pe ki *FIU* kot mon kapab met en pe laklerte lo la ki nou'n fer. Mersi.

### **MR SPEAKER**

*Thank you.* Onorab Woodcock ou annan en pwen. Terminen si ou annan en pwen.

### **HON WAVEL WOODCOCK**

So savedir ou pe donn nou garanti ki sa bann labi, sa bann vol e sa bann *blackmail* ki'n arive anba Gouvernman *United Seychelles* pa pou ariv ankor dan le fitir? Mersi.

### **MR SPEAKER**

Bon. Direkter mon pa konnen si ou annan en garanti ou kapab donnen.

### **DIRECTOR FIU RICHARD RAMPAL**

Mr Speaker mon pa'n tann finisyon sa *statement*, so mon pa pou kapab

### **MR SPEAKER**

In demande si ou annan en garanti ki ou kapab donnez ki bann vol pa pou ariv ankor, so. Mon krwar i en kestyon en pe larz.

### **DIRECTOR FIU RICHARD RAMPAL**

Wi, of course nou pe travay well within paramet Lalwa.

### **MR SPEAKER**

*Thank you* Direkter. Nou a pas lo kestyon Onorab Pillay.

### **HON SEBASTIEN PILLAY**

Mersi Mr Chairman. *CEO* in donn en lasirans la en, pa blye? *Ok* mwan mon annan en kestyon vizavi Bidze mwan en. En Bidze 19milyon ki anba la bout ki pli enteres mwan se *national risk assessment*. E dan sa 8.6milyon pou *national risk assessment* ler ou'n tir, ler ou'n basically tir en 6mwan dan *staff* ou reste ou avek R623mil. *Ok?*

E ladan i annan *other service agreements* ki R429mil e zis 195mil pou *training fees*. *Ok.* pou en domenn ki dinamik tre

spesifik eski ou kapab eksplik nou akoz ki ou Bidze *training fees* anba *national risk assessment* i sitan ba? Prenon kont lenportans sa rol ki ou bezwen zwe? Sa i mon premye kestyon.

Mon dezyenm kestyon, mon'n tann ou letan ou pe reponn Onorab Loze koz lo forfeiture anba bwat *POCA*. As we stand la ou'n mansyonn *POCA* akoz ou'n mansyonn *proceeds of crime* ou pa kapab fer *forfeiture* anba *POCA* ou, zis Lapolis ki kapab fer *forfeiture* anba *POCA*.

Nou ti retir *Proceeds Of Crime Act* anba ou *purview* atraver lamannman ki nou ti fer dan Lalwa. E nou ti fer ou *FIU* vin zis en reporting *FIU*, nou ti sorti from being en *Law Enforcement FIU* e la ou zis en administrative *FIU*. Be mannyer ou pe koze i paret ou anvi vin en investigative *FIU* osi prezan.

So mon ti a kontan ganny en klarifikasiyon avek ou, eski ou'n met larzan pou fer - pou propoz en revizyon Lalwa, pou ou kapab fer lenvestigasyon akoz kestyon ki Onorab Henrie in demann ou i tre pertinan.

Tou sa bann keksoz ki ou war la, i pa ou ki *investigate*. *FCIU* i demann ou, ou ale ou rode ou donn li; labank ki *raise STR* ou ale ou rode ou donn li.

Pou mwan savedir ou'n vin zis en bwat kondannen ki ou'n met tou keksoz ladan, me selman pa ou ki konte.

So I would like to know what do you need pou ou kapab fer sa? Sa i mon premye kestyon.

### **MR SPEAKER**

Dezyenm.

### **HON SEBASTIEN PILLAY**

Mon dezyenm kestyon, zot mersi Mr Chairman ou vizilan ozordi wi ok?

Mon trwazyenm kestyon Mr Chairman si ou a permet mwan, e sa i konsern sa size *Bureau De Change* e remitans e la kantite larzan ki'n ale vini sorti dan pei ki dan ou rapor ti, si koriz mwan si mon mal, was it 4billion? It was around R4billion ki'n ganny servi ki'n ale - well pa'n ale me ki'n sorti atraver bann *Bureau De Change*.

An relasyon avek sa, eski ou'n met okenn larzan adisyonné, oubyen ou'n demann okenn larzan adisyonné pou en thorough investigation pou vwar R4bilyon in sorti atraver *Bureau De Change*, mon pa pe dir poudir dimoun in vol larzan R4bilyon mwan, mon pa pe dir dimoun i mal konpran mwan.

Me pou ou vwar kote atraver ki prosedir, atraver ki fason, i annan remitans byensir pou bann travayer etranze isi ki anvoy zot larzan, me i kapab osi annan larzan ki pe sorti dan nou ziridiksyon e pe al dan lezot ziridiksyon. *Capital flight, so eski ou'n met larzan pou kapab fer lenvestigasyon lo la?*

E an relasyon ek sa, sel zouti ki ou annan ozordi prezанler ou pou al Ankour *given* ki *freezing powers* ki ou annan i limite ou bezwen fer laplikasyon devan Lakour, ouswa fer Labank Santral fer en sispansyon *license* ki sa *money changer class 1* i annan.

Mon pe koz ou bann ki kapab fer *onwards transfer*. So eski ou pe vwar ou'n fer serten travay, ou'n koz ek Minister Finans pou met larzan adisyonnell, pou kapab regarde kote sa i ale? E ki mannyer nou kapab revwar Lalwa pou nou kapab ranforsi nou *National Risk Assessment* vizavi larzan ki'n kapab sorti dan pei atraver bann *Bureau De Change*? Mersi.

### **MR SPEAKER**

*Thank you Onorab. E Director ou annan 3 kestyion pou ou adresé.*

### **DIRECTOR FIU RICHARD RAMPAL**

Zis pou donn en pti pe plis lenformasyon *following* sa konversasyon ki nou ti fer lo sa 4.4milyon. parey nou ti pe eksplike oparavan i ki bann *reporting* ki'n ganny fer kot nou i pa neseserman, nou pa kapab *sort of like attest to* sa, *quality of reporting* i pa neseserman ase lo sa nivo.

Akoz premye fwa ki nou pe komans fer sans lo sa bann lenformasyon. Me en keksoz an plis ki mon kapab dir ou lo la i pa 4.4 ki'n sorti *for them* i ti bann tranzaksyon ki'n ganny fer.

Parey i annan sales, *purchase* e osi tou *remittances; remittances* i en ki *inward* ek *outward*. So sa *amount of* 4.4 i tou tranzaksyon dan nenport ki fason ki'n ganny fer par bann *Bureau De Change*. Ok? So se ki konsern *in terms like* pou nou ganny resours bidzeter - parey mon dir *first of all* nou premye priyorite nou i pou nou kapab, ki nou pe fer konversasyon avek Minister Finans i pou nou kapab *retain* sa ki nou annan an se moman la.

Akoz nou'n war ki *staff turnover* i en *area of* konsern kot nou'n war, ki ler nou'n fer nouvo Lalwa nou'n met plis bann mezir lo bann *reporting*

*entity*, kot en legzanz zot bezwen annan en *compliance officers develop* sa *compliance function* dan zot lorganizasyon.

E i toutafe normal kote zot pou al rod sa bann dimoun ki nou, nou dir i *fit and proper*. E zot pou vin kot bann antite ki annan dimoun ki annan sa konesans ladan.

E nou war nou, nou pe perdi en bon nonm *staff* avek *private sector* e nou focus bann premyer i pou nou kapab *retain* kot prezan. E prezan Minister Finans nou pou met en demann formel ek zot, pou kapab re *look at* nou *Scheme of Service*.

E i annan serten *area* kot *risk allowance* osi tou nou pou anvi i ganny enkli pou tou nou bann travayer. E osi tou lo kote sa Departman ki dil avek *analysis - strategic analysis* zot osi tou nou anvi met dimoun an plis ladan.

An se moman si nou kapab *share* ek nou, nou annan zis 2 dimoun i pe fer s louvraz kote *strategic analysis* dan *FIU*. E zis pou klarifye lo dezyenm kestyon, dezyenm kestyon non, mon pa ti pe fer referans avek *POCA*.

Nou an ba *AML Act* nou annan nou anba seksyon 27(d) avek (e) i *allow FIU* pou nou *issue* en direktiv to *reporting entity* pou zot *reporting entity or*

*person* pou zot *refrain from completing* a transaction.

E sa i pou 5 zour e *then* i donn ou en *additional 5 days* anba 27(e) pou nou *now complete* lo *freeze* sa *account* konmsi pou 5 zour. An atandan ki nou, nou pe fer nou bann *analysis*. E si i annan nesesite pou nou *pass it on to law enforcement* for *formal investigation*. So zis pou fer en pti pe klarifikasyon lo la.

E in terms of like en reaksyon lo *FIU* koman *investigative*, kot nou'n perdi nou pouwwar. Despite nou pa en *Investigative FIU* as we speak nou pe esey make the most avek sa ki nou annan.

Nou pe promot en tre kordinasyon korporasyon avek bann antite bann *Law Enforcement Authority* parey CEO ACCS in fek mansyonnen en pe pli boner.

Nou pe travay avek zot kot nou pe *second* nou bann endividé, pou kapab donn serten spesyalizasyon lo bann *cases* ki nou pe fer. E menm through resident advisor nou pe regarde si i annan posibilite kot nou kapab setup bann *task force interagency*, *FIU* avek bann *Law Enforcement Authority* kot depandan lo bann *case*, pou nou travay lo *case* ansanm pou nou sey gete

mannyer anba sa kad legal ki nou pe *operate* lo la, mannyer nou kapab *still maintain* en serten nivo ou degre *effectiveness*.

E lo kote ki konsern *training* zis pour anmenn en pe klarifikasiyon lo sa programm 2; sa programm 2 depi 2an pase nou'n tire sa konponan i pa apel *National Risk Assessment* li, *right?* Ler mwan mon ti antre i ti apel li *National Risk Assessment*, akoz an 2017 ler nou ti pe fer sa e nou'n retir li. I sipoze *core* fonksyon nou'n endik avek Minister Finans pou kapab fer sa sanzman.

Me selman mon pa tro okouran pour ki rezon i ankor pe ganny *branded as National Risk Assessment*. Me se ki konsern *training* anba la osi tou, parey mon'n dir pli boner i en *plea* ki nou pe fer avek Minister Finans sa, pou nou ganny resours pou fer *training*. Akoz si zis nou asiz lo sa *current pool of expertise or knowledge or* konesans ki nou bann *staff* i annan, i pa sifi pou nou kapab *être* efektiv dan sa ki nou pe fer.

So *training* i primordyal pou nou *FIU* e nou'n ganny komitman Minister Finans, ki ler sityasyon i amelyore 2022 imedyatman zot pou siport nou lo la. Mersi.

### **MR SPEAKER**

*Thank you Director. Yes Onorab Pillay. Nou a terminen lo sa pwen, klarifikasiyon.*

### **HON SEBASTIEN PILLAY**

Mersi. Mr Chairman lefe ki i annan *AMLCFT Committee* ki *FIU* i asiz lo la, e ki sa i form parti sa si oule sa lasenn *AMLCFT*. E mon konnen SS Payet i asiz lo la osi, so akoz ki sa pa'n vin en konsiderasyon eski sa in vin en konsiderasyon pou *AMLCFT* e konbyen *staff* ki'n ale kot *FIU* ziska la? Mersi Mr Chairman.

### **MR SPEAKER**

*Thank you. Director.*

### **DIRECTOR MR RICHARD RAMPAL**

Mersi Mr Chair. Mersi onorab. Nou'n eksperyans nou apepre en pert of 16 *staff*, 13 *staff* eskize. 13 *staff* e de la nou'n kapab *recruit*, nou'n kapab fini *recruit* 10 e in reste nou 3 pou nou kapab met dan pozisyon.

Me selman *staff* ki ou'n perdi an term bann *staff* ki eksperyanse *versus* bann ki pe antre, ou pe ganny ou bann nouvo *graduate*. Wi zot annan en degre me selman zot pa neseserman annan sa ekspertiz ki nou pe rode.

E alor i vin en prose, i vin en parkour kot nou prezan bezwen asize *train*, *train in terms of on the job*, rod bann *training virtually bearing in mind* ki sityasyon an se moman, *virtually* pou zot kapab *build up* en pe zot prop kapasite, pou zot kapab deservi nou. Mersi.

### **MR SPEAKER**

*Thank you Director.* Bon, nou'n terminen lo la. Nou a pran bot lo Bidze pou *Financial Intelligence Unit* ki lo paz 206 ziska 211 pou R19milyon 64mil.

Manm ki an faver lev lanmen silvouple? Mersi, okenn Manm ki kont? Mersi madanm Clerk. Bidze pou *Financial Intelligence Unit* pou R19milyon 64mil, 27 Manm in vot pour 0 kont e 0 abstansyon. Bidze in aprouve par Lasanble.

### **TAX AND CUSTOM AGENT BOARD**

### **REVENUE TRIBUNAL**

### **MR SPEAKER**

SS Payet in sizere ki nou pran sa 2 vot ki neseser *at the bottom of the page* lo bann antite ki nou pa pe debat lo la. So nou a fer li an se moman la.

Vot lo *Tax and Custom Agent Board and Revenue*

*Tribunal* lo paz 190 ziska 192 pou R1milyon 480mil. Parey labitid SS Payet ou ti a kontan zis dir en pti mon lo sa Bidze avan nou vote?

### **SS PATRICK PAYET**

Mersi Mr Chair. Parey zot okouran ki *the Tax and Custom Agent Board* i ganny etablir anba seksyon 80 Lalwa administrasyon *Tax e Revenue Tribunal* li i ganny etablir anba seksyon 70 Lalwa Administrasyon *Tax*.

Sa 2 antite premye *Tax and Custom Agent Board*, son manda se pour li *regulate* e anrezistre tou bann *Tax* avek *Custom Agent*. I annan en Sekretarya. *Currently* dan Sesel i annan 98 *Custom Agent* e 59 *Tax Agent* ki'n anrezistre avek parey nou dir *TACAB*.

Lo kote *Revenue Tribunal* li son manda se prensipalman pou li fer sir ki i vin sa entermedyer *between SRC* avek *tax payers* si *tax payers* pa satisfe avek rasyonnel ki SRC son devwar ki in donnen, son rezulta i kapab al kot *Reveni Tribunal* avan ki i fer son prosedir pou al Lakour.

Aktyelman i annan detrwa ka ki egziste kot *Reveni Tribunal* ki zot pe ekoute e i annan en *processing fee* osi ki ti ganny amande lannen pase, e zot dan

*processing fee* pou reveni tribunal i R1000 across the Board e sa ti ganny fer lannen pase.

Avek sa Mr Chair nou kapab propoze pou Lasanble aprouv *budget* pou *Tax and Customs Agent Board* ek *Revenue Tribunal*. Mersi.

### **MR SPEAKER**

Nou a pran vot lo sa Bidze silvouple pour en total R1milyon 480mil. Manm ki an faver lev lanmen silvouple? *Thank you* vot lo Bidze pou *Tax and Customs Agent Board and Revenue Tribunal* pou R1milyon 480mil, 27 Manm in vot pour, 0 kont e 0 abstansyon. Bidze in aprouve par Lasanble.

### **GOVERNMENT AUDIT COMMITTEE**

#### **MR SPEAKER**

Nou a pran vot lo *Government Audit Committee* ki lo paz 198 ziska 200, pou en total R813mil. Manm ki an faver lev lanmen silvouple. Mersi. Nou a pase wi, mon'n al en pti pe tro vit.

Vot lo *Government Audit Committee* ki lo paz 198 ziska 200, pou R813mil. 27 Manm in vot pour, 0 kont e abstansyon. E mon a dir zot mersi pou sa bann vot.

E mon remarke mon'n retard bann zofisyen *Financial Unit, Intelligence Unit* en pe plis ki mon ti devret. Mon ti'n kapab dir zot bon depar depi taler. Me mon a remersye zot la pou zot partisipasyon e mon swet zot bonn kontinyasyon dan zot travay.

A ce moment nou a pran en poz e nou lot antite pou la 3er edmi. Nou a rezwenn 3er edmi. Mersi.

**(BREAK)**

### **NET LENDING**

### **DEVELOPMENT GRANTS TO PUBLIC ENTERPRISES**

### **SUBVENTION TO ENTERPRISES**

#### **MR SPEAKER**

Bon apre midi e byenveni Minis Naadir Hassan, Minis pou Finans e mersi pou zwenn nou pou sa dernyen staz nou Bidze. Nou ti komans avek ou e nou termin avek ou.

Nou lo Bidze pou *Net Lending* dan seksyon 2 paz 41 pou total R246milyon 577mil. Minis ou a fer lentrodiksyon pou sa Bidze silvouple.

### **MINISTER NAADIR HASSAN**

Mersi Mr Chairman. Mr Chairman mon pou pran tou statement pou tou le 2 vi ki i 3 pti Bidze apre nou ava diskite.

M Chairman, Onorab Leader Lopozisyon, Onorab pou zafer Gouvernman, Manm Onorab, tou Seselwa ki pe ekoute bonn apre midi. Premye mon a pran sibvansyon pou bann lantrepriz publik Mr Chairman en sonm 149milyon in ganny bidzete pou asiste bann antrepriz publik *comme swivan*;

Air Seychelles 95.5milyon ki konpri en alokasyon 75.8milyon pou repey det lakonpannyen ek Etihad e 19.7 milyon ki Gouvernman pe repey Air Seychelles anba en lagreman depi Mars 2017. Lakonpannyen Servis LAPOS R8milyon pou asiste avek son bann kou loperasyon.

SPTC 38.2milyon ki konpri en alokasyon R29milyon pou sibvansyon pri tiket. Pou fer remarke ki sa R29milyon i en rediksyon R48.4milyon konpare avek Bidze revize 2021 ki Gouvernman ti donn SPTC.

Sa rediksyon dan sibvansyon ki SPTC i bezwen i vin pre ki Gouvernman ti fer en desizyon pou fer monte pri bis pou fer SPTC pli soutenab.

Adisyonnelman en sonm R9.6milyon in osi ganny

transfer sorti anba Bidze Lazans Proteksyon Sosyal (ASP) an relasyon avek *Scheme* pou sibvansyon vwayaz dan servis SPTC pou bann dimoun aze, dimoun otreman kapab e *workers special*.

Katriyenm Seychelles National Parks and Gardens Authority 7.3milyon koman *starter capital* pou siport sa novo Lotorite dan son tranzisyon pou vin otonom. Pou *net lending* en provizyon 264.6milyon in ganny mete dan Bidze 2022 pou Gouvernman *on lend* avek PUC pou son diferan proze *comme swivan*;

R50.7milyon pou proze 33kv south Mahe, R35.6milyon pou proze lagrandisman danm La Gogue, R178.3milyon pou bann proze sewage ek waste water treatment plant lo La Digue ek Mahe e instalasyon ban stasyon laponp atraver pei.

Mr Chairman sa bann sonm i bann diferan *loan* ki Gouvernman i pran apre i *on lend to PUC*. Dan lefitir PUC i repey Gouvernman sa bann *loan*. Bann don devlopman pou bann lantrepriz publik sonm total R169.1milyon in ganny bidzete koman don devlopman pou bann antrepriz publik *comme swivan*;

SPTC en sonm R14.5miloyn pou finans son

bann proze kapital, tel ki enstalasyon CCTV lo bann bis piblik, enstalasyon masin tiket lo bann nouvo bis ki i ekspekte gannyen e pou *upgrade* son bann nouvo sistem *software*.

En sonm 38.8milyon in osi ganny bidzete anba konponan *loan* sorti kot Gouvernman *L'Inde* pou SPTC fer dernyen porsyon peyman lo 55 bis ki dan prosedir *tender*.

R62.8milyon pou *Property Management Corporation* pou repey 2 *loan*; enn avek Fon Pansyon e lot avek *Nouvobanq*.

R10mil dan sa sonm pou *PMC* fer bann renovasyon mazer lo bann blok *flat* an relasyon avek twa e sistem *sewage*.

R60milyon pou *allocate* ek *PUC* pou son bann diferan proze kapital pou elektrisite delo ek *sewage*.

Mr Chairman avek sa prezantasyon mon demann sipor Lasanble Nasyonal e nou pare pou reponn okenn kestyon adisyonnell konsernan Bidze sa 3 vot ki mon'n prezante. Mersi Mr Chairman.

### **MR SPEAKER**

Mersi Minis. Les mwan zis re sitye nou byen. So nou annan *Net Lending avek Subvention to Public Enterprises* ki ansanm

korek? Minis, oubyen 3 separe la?

### **MINISTER NAADIR HASSAN**

Nou annan 3 separe Mr Speaker.

### **MR SPEAKER**

Ok 3 separe, mersi. Ok *Net Lending R246milyon* 577mil, *Development Grants to Public Enterprises* R169milyon 133mil. E *Subvention To Public Enterprises* R149milyon 26mil. Korek? Ok? Nou so nou pran kestyon tou ansanm e nou kapab komans avek kestyon pou bann Manm. Onorab Sandy Arissol. Ou'n lev lanmen?

### **HON SANDY ARISSOL**

Mersi Mr Chair. Bon apre midi Minis ek ou lekip. Tou dimoun ki pe a lekout.

Mr Chair mwan mon kestyon mon ti a kontan demann pour bann lenfrastriktir ki *PUC* ki Minis in mansyonnen. Avek larzan ki nou pe donn zot, mon ti a kontan premyerman demann Minis si bann, ki zistans Gouvernman in arive ant *PUC* avek Gouvernman an relasyon avek bann later *land bank* ki nou'n koz lo la dan Bidze?

Eski pou annan en negosyasyon lannen prosen,

boner lannen prosen? Parske pa blyie Minis letan ou aste later *state land bank* i sipoze annan bann lenfrastriktir lo la, sa i an konpri delo, elektrisite e semen.

E Bel Ombre mon annan *state land* ki'n ganny donnen i annan 2an pase, me napa sa bann lenfrastriktir e nou ti ganny dir dan sa Lasanble poudir i annan en negosyasyon *PUC*. Parske kou ki *PUC* ti pe sey ofer Gouvernman mon krwar zot pa'n tonm dakor, so mon ti a kontan kekfwa donn nou en mesaz pou lannen prosenn pou bann dimoun ki pe ekoute konnen koze zot debout.

Dezyenmman avek *PUC*, mon ti a kontan konnen si i annan larzan ki Gouvernman a pe donn *PUC*, mon'n tann *STP* eski *STP* ki Bel Ombre in komans gannyen?

Eski i annan larzan pou nou annan en kontinyasyon pou Beau Vallon/Bel Ombre kot in arete pou nou al avek ziska dan Bel Ombre? Parske parey nou konnen Minis nou annan en kantite pti lotel dan Bel Ombre e osi bann endividé, bann dimoun ki anvi konekte avek *STP* an vi ki Bel Ombre i en landrwa kantite delo, pou sa i a fer ki nou later i reste prop?

Mon dezyenm kestyon e mon dernyen kestyon mon ti a

kontan letan mon pe koz lo *PUC* pour *PUC* larzan ki nou pe donn zot, pour zot osi kapab netway en pe bann laliny elektrisite. Bann laliny lo foto i annan ki en pe an dezord, nou konnen pa foto elektrik i pa neseserman zis pou *PUC* be lezot Lazans i servi osi pou pas zot difil.

Me *PUC* i annan plizyer zot laliny ki lalyann pye dibwa i lo la, e annou pa esper en danze arive 2er, 3er bomaten pou nou kapab call *PUC* avek larzan ki nou pe donn zot. Mon swete ki sa i ava amelyore. Mersi Mr Chair.

#### **MR SPEAKER**

Mersi Onorab. Minis ou repons? SS Payet.

#### **SS PATRICK PAYET**

Mersi Mr Chair. Mersi Onorab. Definitivman Onorab en keksoz ki nou pe diskite avek *PUC* e menm *SLTA*, konsernen bann lenfrastriktir lo kote bann *land bank*.

E mon konnen kekfwa nou pa ankor konklir sa desizyon ki mannyer sa striktir pou ete me selman definitivman premye kar lannen prosenn nou bezwen asize avek Minister Finans, Lazans Lenfrastriktir, *SLTA* i osi *PUC*, pou nou kapab annan en propozisyon pou met devan *Cabinet of Ministers* lo sa

size *land bank*. So i en keksoz ki nou ankor pe kontinyen diskite definitivman.

Lo kote STP bann proze wi, i annan larzan ki nou'n mete dan Bidze spesyalman lo kite sa *net lending*. Be selman kekfwa sa spesifik proze konsernan Bel Ombre, nou ava dir ki en pe avek *PUC* akoz nou okouran spesifikman ki zot in mansyonnen se lo kote La Digue. La Digue s i spesifik ki zot in mansyonnen.

Me selman lo kote Mahe sa i en pe dan son totalite, me nou ava vvar spesifik lo kote Bel Ombre nou ava kapab *share* en pe sa bann lenformasyon avek zot. Mersi.

### **MR SPEAKER**

Ok. Mersi SS. Nou a pas kestyon Onorab Lemiel.

### **HON SYLVANNE LEMIEL**

Mersi Mr Chair. Bonn apre midi Minis avek ou delegasyon. Mwan leksplikasyon ki mon ti a kontan gannyen i konsern *Seychelles Postal Services*, nou'n vvar ki i ti ganny li en sibvansyon R15milyon lannen pase or sa lannen e nou vvar ki in desann pou ariv 8milyon.

E ler nou lo sa size Minis ou yen SS, mon ti a kontan konnen akoz i annan serten parol deor ki nou konnen i

annan en *postal service* Lazans Anse Royale.

So, mon ti a kontan konnen la atraver bann sibvansyon ki mou pe donnez lapos, ki lavenir sa servis lapos ki pe donnez e Anse Royale? Akoz nou konnen i ti dan, i ti antase avek Lapolis, seksyon Lapolis Anse Royale in sorti akoz *building* pa ti bon e in al dan en *building* prive.

So, mon pe ganny en konpran ki zot sipoze sorti. Mon ti a kontan konnen ki arrive avek sa servis prezanz petet pou ban dimoun okouran. Mersi Mr Speaker.

### **MR SPEAKER**

Mersi Onorab. Minis ou a pran kestyon.

### **MINISTER NAADIR HASSAN**

Mersi Mr Chair. Mersi Onorab pou ou kestyon. *Regarding servis postal*, ou konnen the whole business model around lapos in sanze. So more and more dimoun i servi other means ki lapos tradisyonnal, e sa i fer zot ki zot pa fer ase larzan.

Me i still annan en rol kritik ki *Seychelles Postal Services* i bezwen ofer publik. So that's why government i santi i bezwen, sibvansyonn li. E i annan serten proposal ki *Postal*

*Services in met devan Gouvernman pour li kapab ogmant son koleksyon reveni, me Gouvernman in dir ki pou le moman i pa ankor konfortab pou li met an plas sa bann nouvo rates, par egzanp. Akoz i oule ki Postal Services i kapab donn en servis ki, meet lekspektasyon piblik.*

Lo konsernan Anse Royale mon pa *aware of latest development* lo sa lofis Anse Royale. Mon pa konnen SS si ou, me i en kestyon mon kapab *find out ek PUC and revert, sorry avek postal services e revert back* lo la. Mersi.

### **MR SPEAKER**

Mersi Minis. Nou a pran kestyon Onorab Roucou.

### **HON MICHEL ROUCOU**

Mersi Mr Chair. Bonn apre midi a tous. Minis mon war poudir kot *Property Management Corporation* i annan R345mil pou Mont Fleuri pou lo kote *sewage*, si ou kapab.

Si ou okouran en pti pe ki bor akoz mon konnen poudir Corgate Estate i deza annan problem *sewage*, ki tanzantan i kase apre osi tou Kan Tobrouk in deza annan sa gro problem laba anler.

Apre osi *PUC* Minis, eski i ti deza annan en proze ki ti'n

komanse ki ti'n arriv kot lafanmir Laurence anler Rochon *regarding STP* ki tiyo ti'n zis aret lanmenm la? Si ou okouran en pti pe lo la kan ki *PUC* i sipoze komanse? Mersi.

### **MR SPEAKER**

Mersi Onorab. Minis ou pran sa.

### **MINISTER NAADIR HASSAN**

Mersi Mr Chair. Mersi Onorab. *Regarding* premye kestyon lo bann *regarding sewage* kot bann *estate*. Mon krwar sa ki ou'n demande si mon ganny ou byen, i annan en bon pe problem la ki tanzantan sa bann *STPs* i *breakdown*.

E nou pe fer en travay e ler nou regarde problem se *maintenance* i pa ganny *maintain properly*. E sanmenm sa ki fer sa *recurrent breakdown*. So nou pe met an plas en mekanizm ki sa bann *STPs* i ganny *properly maintain well whether* nou *subcontract* ek *PUC* ki annan lekspertiz lo la ouswa en lot *entity*. Sa i diskisyon e nou, soon nou pou pran en pozisyon lo la pou nou *sort out* sa *maintenance* ki adres sa bann *issue*.

*Regarding* dezyenm kestyon lo *STP* kot sa rezyon ki ou pe dir, mon pa tro *aware*

mon pa konnen SS *if you are aware* lo sa enn proze?

### **SS PATRICK PAYET**

Kekfwa Mr Chair kekfwa zis donn nou en pe letan akoz nou pe pas lo dokiman Bidze ki *PUC*. nou kapab pran kestyon apre Nou kapab retourne lo la pou nou regarde dan larzan ki *PUC* in soumet si sa proze i enkli. Mersi.

### **MR SPEAKER**

Tre byen. Minis ou'n terminen pou le moman. Nou ti a kontinyen avek lot kestyon. Apre nou retourne kot SS Payet. Onorab Gervais Henrie.

### **HON GERVAIS HENRIE**

Mersi Mr Chair. Bonn apre midi tou dimoun. Mr Chair dan bann lokasyon ki'n ganny mansyonnen si mon sezi byen i annan en sonm 10milyon ki'n dir pou *PMC*, fer bann renovasyon mon prezimen son bann *Housing Estate* ki li i pe manage.

So, mon zis anvi konnen si *panel* i satisfe ki *PMC* in donn zot en plan travay? Akoz pou bann *MNA* kot nou tou, preski nou tou i annan bann *Housing Estate* dan bann distrik kot nou sorti, nou kapab satisfe poudir wi si nou a pou ganny 2022.

Me nou a ganny 2023 akoz dan Mont Buxton i annan landrwa ki depi 2016, 2017 mon pe demann *PMC* pou penn en landrwa. E i pa akseptab 6an i pase pa ankor ganny en cours lapentir. So si i annan en plan travay nou a kapab satisfe poudir menn si pa 2022 me 2023 ,Mont Buxton a kapab benefisyé.

Dezyenm kestyon, kestyon *PUC*, i en kestyon en pe zeneral Mr Chair akoz mon ti ava kontan profite koman Minis Finans i la pou li eksplik nou en keksoz. An relasyon avek sa ki mon'n war lo televizyon yer swar travayer pe rod *bonus*, mon deklare mon napa okenn difikilte avek okenn dimoun dan bann *State-Owned Enterprise* ganny en *bonus*.

Solman pou mwan mon ti ava konpran poudir letan lannen in fini en antite in balans son kont in tir son larzan ki in pret Gouvernman ki i bezwen repeye, i konn son pozisyon profi e i a kapab dir avek travayer en, *ok la* in reste R10 nou ava partaze.

Be si lannen pa ankor fini, lo ki baz ki sa bann zafer i ganny kalkile, akoz i fer dezyenm lannen konsekitiv ki nou pe vwar bann azitasyon. E mon personnelman mon ti ava kontan konpran lo ki baz ki

bann SOEs pe donn sa bann bonus menm avan mi lannen i fini e ki zot pa ankor ferm zot kont? Mersi.

### **MR SPEAKER**

Mersi Onorab. Minis nou pas laparol kot ou?

### **MINISTER NAADIR HASSAN**

Mersi Mr Chair. Mersi Onorab pou ou kestyon. Lo premye kestyon mon - ou konnen Minister Finans i napa *sight over in terms of* ki louvraz ki *PMC* pe fer *in terms of* evalyasyon, ki kalite *maintenance* ki i annan.

So nou, nou *work on the assumption* poudir ki *the parent Ministry which is MLH* ki i fer sa louvraz an kolaborasyon avek *PMC* e li i *submit* son *financial requirement to Ministry of Finance*, pou dir be 2022, 2023, 2024 *this is* mon estimasyon pou mwan *meet* mon *work plan*.

E dan sa laliny Bidze, annefe *Minister Finance* in aprouv *request* *MLH well* pou *PMC* dan son totalite. Savedir *whatever has been submitted to Finance* in ganny aprouve. Savedir nou pa'n dir non, nou'n aprouv li dan son totalite.

Me selman mon kapab *find out* avek *MLH* egzakteman ki sa work plan ki zot annan e regarde si sa i balanse. Mon

mazinen i bezwen balanse akoz *this is what they have asked for. Ok?*

Lo dezyenm *issue of bonus*, e yer mon ti fer deklarasyon pou dir ki mwan as Minis Finans mon dezapwente avek bann *Board* ek *Management*.

Akoz mon ti ekspekte poudir dan nenport lakonpannyen dan nenport ki lorganizasyon, *this is what* mwan mon ti pou fer se en evakyasyon, pou dir be *by the time* mon ferm mon kont lala, lo en lorganizasyon ki'n fer profi nou *meet* tou nou lobzektif e baze lo la *we have a bonus plan. Ok?*

Sa i mon lekspektasyon, e mon lekspektasyon se ki en *Board* ek en *Management* i travay lo menm *wavelength*. So mon pa ti ekspekte poudir be *Cabinet of Ministers* i bezwen ale fer sir poudir sa in ganny fer. E *it's up to the Board. The Board has the oversight of the entity* e *Board* li i bezwen *take Management to task* pou dir be si 2021, ou'n bezwen larzan ek *tax payers money to subvention on what basis* ou pe- Ou ganny mwan?

So la se *PMC* ki pe fer sa evalyasyon pou li soumet avek *Cabinet*. E ki mon krwar mon pou *avoid* sa bann problem

dan le fitir se ki, Minister Finans pou bezwen asize avek *PMC* ek bann *Board* pou dir be lala nou lekspektasyon. *This is the way you manage organization in a very diligent manner, e ok?*

Ou bezwen annan ou en Polisi *Bonus*, en Polisi en sa ki meet tou ban kriter e baze lo la, *then* ou pran en desizyon obzektivman ki *yes* si mon'n zwenn sa bann paramet *this is the bonus ki ganny paid. This is the way it's supposed to work.*

Mersi.

### **MR SPEAKER**

Mersi Minis. Nou al pran kestyon Onorab Aglae.

### **HON EGBERT AGLAE**

Mersi Mr Chair. Bonn apre midi Minis. Mon annan 3 klersisman ki mon anvi ekliersi anba *Subvention to public enterprise.*

Premyerman avek bann sanzman ki'n arive, premyerman *Seychelles National Park Authority* ki'n ante avek *Seychelles Park and Garden Authority* e nou konnen poudir osi dan lepase *SLTA* ti annan en lotonomi finansyel mon kapab dir kot ti pe depan lo son lekor, e ler mon pe get sonm avek sa merger ki'n arive la *Botanical Garden* osi mon krwar i tonm anba zot.

So, mon war i annan en sonm 7.3milyon in ganny bidzete. Eski sa pou ase pou sa antite ki'n ganny *merge* ansanm pou zot fonksyonnen? Sa i enn, ok?

Dezyenm, anba *PMC* osi petet *SS* si ou kapab akoz ti annan komitman ki ti'n ganny fer e Bidze ti ganny mete osi sirtou pou sa bann lakaz ki *PMC* pe zere ki annan sa bann tiles lo la, ki aparaman i annan ser ten *tendering* ki'n ganny fer prezan avek ser ten sanzman.

Mon pa konnen si i annan ki'n al anba novo Lazans Lenfra striktir ki Finans in al plas laba, mon ti a kontan petet ganny en leksplikasyon ki mannyer nou pou lo sa bann size, lo sa size ki ti pou ganny fer lo en baz gradyel sa bann renovasyon la.

E dernyen se kot konsern *The Guy Morel Institute* la, eski zot in, pe *fully operate* lo zot prop finans? Akoz mon pa war okenn larzan ki'n ganny mete, ouswa zot in plase si mon mal dir mwan avek okenn antite edikasyonnel? Mersi.

### **MR SPEAKER**

*Thank you* Onorab. Minis ou a pran bann kestyon.

### **MINISTER NAADIR HASSAN**

*Thank you, Mr Chair. Thank you Onorab. Mon a pran kestyon 1 ek 3 apre SS a pran kestyon 2.*

*Regarding TGMI i annan sa amount 2.5milyon ki'n ganny donnen, me sa i aparet dan training akoz i, nou pe servi TGMI as The Public Sector College. So sa i sibvansyon ki Gouvernman i donn li through training to train of civil servants. Me son bann lezot laspe i mars lo en mekanizm komersyal, ok?*

*Lo premye kestyon SNPA si enough funds. Diskisyon in ganny fer ant Minister Finans ek sa proposed entity li menm. E this is sa ki zot in agree lo la. E nou ti osi demann PMC pou fer en evalyasyon regarding ki kantite funds ki zot pou bezwen, e sa sonm ki'n ganny mete dan Bidze, sa sonm ki'n ganny agree between all three parties. Mersi. Kestyon limero 2 mon pas ek SS.*

### **MR SPEAKER**

*Thank you. Nou a pas kot SS Payet.*

### **SS PATRICK PAYET**

Mersi Mr Chair. Mersi Onorab. Wi lo kote PMC i pe kontinyen avek bann proze *re-roofing*. Dan Bidze 2022 i annan bokou ki'n mete sa provizyon ki nou'n donnen. E osi 2021 i annan

bann proze ki pe kontinyen fer bann diferan *flat*. Mersi.

### **MR SPEAKER**

*Thank you. Nou a pas lo kestyon Onorab Woodcock.*

### **HON WAVEL WOODCOCK**

Mersi Mr Chair. Minis mon kestyon i baze lo *Subvention to Public Enterprise*. Air Seychelles. Ti annan sa lagreman kabri dan sak ki ant Air Seychelles ek Etihad Airways, ki ozordi Lepep Seselwa i bezwen pey lepokase. Annefe mon war sa lokasyon anba ... i annan sa sonm R263.6milyon ki en sonm R133.3milyon in ganny peye an 2021.

E ankor dan Bidze pou 2022 i annan en sonm R95.5milyon ki Gouvernman mon prezimen i repeyman sa \$17milyon ki nou'n war Etihad Airways. Zot in *forecast* osi pou pey ankor R95.5milyon pou 2023 e pou 2024 i annan en lot alokasyon 23.1milyon ki zot in *forecast*.

Mon kestyon i pou sa lannen 2022 k pe vini, kote ki Gouvernman in bezwen koupe pou ganny sa larzan? Sa larzan ti'n kapab ganny servi pou fer lezot proze, lezot keksoz avek parey fer lakaz, ouswa fer lezot depans enportan. E si ou kapab

donn nou en pti pe lenformasyon en pti pe detay lo sa lokasyon ki nou bezwen peye *Etihad Airways*? Mersi.

### **MR SPEAKER**

Mersi. Minis ou pou adres sa oubyen SS? SS a pran kestyon.

### **SS PATRICK PAYET**

Mersi Mr Chair. Mersi Onorab. Kekfwa zis pou met dan konteks sa ki nou pe peye lannen prosenn. Mon konnen sa larzan ki ou, *Air Seychelles* ti drwa *Etihad Airways* e nou, nou'n *purchase back* e nou pe pey sa *insecure debt* R11.4milyon, Dolar sorry. E apre li *Air Seychelles* pe pey sa balans apepre 5milyon.

E propozisyon se lannen prosenn nou pey \$5milyon, 2023 \$5milyon e 2024 \$1.4milyon. Apre osi sa i parey zot konnen ki nou ti ganny sa *haircut* konpare avek nou ti drwa almost \$70milyon e letan nou'n negosye nou pou pey zis sa balans 11.4 e *Air Seychelles* pou pey li sa 1.6.

Apres parey zot konnen parey Minis in mansyonnen, nou ti annan en lagreman avek *Air Seychelles* ki nou ti annan bann *debt liability from Gouvernman to Air Seychelles* e nou pe pey li apepre 1.5 -1.6 e nou ekspekte by le 31 Desanm

2023 konplet sa bann repeyman.

Parey ou konnen definitivman i en *opportunity cost* ki sa larzan ki nou mete dan Bidze, nou ti kapab fer bann lezot proze. Par egzanp mon konnen letan nou'n diskit Bidze Nasyonal dan Lasamble, i annan bokou bann proze ki'n vin devan ki nou pa'n kapab siporte; par egzanp bann proze lakaz ouswa bann proze semen, ki'n letan nou'n diskite zot in vwar vre i irzan.

Me selman nou pa'n kapab akoz zot bann sipor adisyonnal ki nou bezwen donn bann lezot SOEs.

So i definitivman i bann proze, bann Proze Kapital ki nou'n bezwen pa met li lib kekfwa lannen prosenn met li 2023 ouswa 2024 pou nou kapab kontinyen donn sa sipor e pey bann *liability* ki nou annan. Mersi Mr Chair.

### **MR SPEAKER**

Mersi SS. Onorab Mondon ou tour.

### **HON TERENCE MONDON**

Mersi Mr Chair. Mon premye kestyon i lo kote sa det lo *GDP*. Ler mon pe lir zot *assumptions*, mon vwar poudir an Septanm 2021 baze lo *figures* ki zot

annan ou vwar ki nou pe koz lo en det 70poursan *GDP*.

Aprezan i annan en *external* pou fer provizyon pour \$98.7milyon ki zot ekspekte gannyen dan *fourth quarter* avek bann lenstitisyon enternasyonal. Ki sa det pou fer lo sa? Eski in pran kont akoz sa ratio 70poursan mon sa ki mon konpran i baze ziske *up to Septanm 2021*.

Ki lenpak i pou annan lo *GDP*, lo det *GDP ratio* avek sa 98, e ki mannyer zot pe *spread* li? Eski i zis pou 2022 ouswa i en larzan ki posib ganny servi pou 2022 a 24 parey nou fer sa priyrite stratezik? Mon premye kestyon.

E dezyenmman mon anvi konpran en pti pe akoz la nou pe koz priyrite nasyonal. E ler nou pe fer sa Bidze - me selman pa pe konpran ki kalite legzersis zot fer pou zot kapab vin avek vreman sa lekel ki priyrite ki pou ganny sa Bidze, pou kapab fer marse nou lekonomi?

Akoz mon vwar en kantite proze. Tou bann antite i annan bezwen pou larzan, ki mannyer zot fer sa legzersis vreman pou kapab desid lo lekel ki pou ganny konbyen pou apartir lannen prosenn? Mersi Mr Chair.

### **MR SPEAKER**

Mersi. Minis.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Lo premye kestyon ki lenpak det? Ler nou travay lo nou program makroekonomik tou bann *figures* i ganny diskite *for three years ok?* So tou det ki ou pe al pran be it 2021, 2022, 2023 in fini ganny enkorpore dan ou latab, pou ou get ki nivo ou det pou fer *ok*?

E sanmenm sa ki prezan ou det osi i mars ansanm ek ou *GDP*, me osi avek ou Bidze. *That's why* i enportan ki i annan sa disiplin fiskal, pou dir be *ok*, pou nou kapab pran sa kantite det nou Bidze, defisit maksimonm i bezwen sa kantite.

E *within* sepa sa kantite lannen nou bezwen bouz lo en sirplis. Tousala i marye ansanm ki ou *budget deficit or surplus* i *link up* avek ou kantite det ki ou bezwen pran e pou det i *link up* avek nivo aktivite ekonomik ki ou annan dan ou pei. Akoz det i en konponan of *GDP*. *The more* ou *GDP* i monte, *the more* ou kapab pran additional *debt*. *Ok?*

Savedir tou sa bann keksoz i ganny fer *within 32 years in advance* e nou annan

b-ou bann *forecast* e ou set ou bann *parameters* baze lo la. And that's why you have to be disciplined pou ou meet tou sa bann paramet pou ou ariv kot ou'n arive.

Pou ou konnen poudir en sel obzektif ti pou *meet ou debt* ou *DGP target of si ti 60 ouswa 50poursan by 2024*, lala ki mannyer ou ariv laba. E tousala in fini ganny enkorpore dan ou kalkilasyon.

Lo dezyenm *issue* priyorate bidzeter;- *ok*, normalman ou annan ou, ou *National Development Plan* ki li i *drive* ou Bidze. So of course avek tou Bidze se en stratezi ki *drive* ou Bidze. E baze lo ou *priority* dan ou *development* pa'n ou dir be la ki mannyer ou'n fer mon alokasyon Bidze.

Ki mannyer sa i arive an practice se ki Minister Finans baze lo la i *issue* tou bann *MDAs* avek en *ceiling* pou dir *this is the kantite ou pe travay avek pour sa lannen ki pe vini, baze lo priyorte.* E toulstan leksperyans i monte poudir *the request* ki ou gannyen mazorite letan i par lao sa *ceiling* ki ganny donnen.

And this si where the Cabinet of Ministers i asize i diskite, i dir be baze lo bann priyorte pei, lala kot nou bezwen donn resours, lala kot

nou bezwen kekfwa *delay* li further down the line. So in practice this is the way it works. Mersi.

### **MR SPEAKER**

Mersi Minis. Onorab Pillay.

### **HON SEBASTIEN PILLAY**

Mersi Mr Chairman. Mr Chairman ankor enn fwa bonswar e bonn apre midi tou dimoun.

Mon oule al direk lo sa *SPTC foreign financing*, 2022 nou pe war R31milyon 831mil ki pe ganny prozekte. Sa *foreign financing* mon prezimen i bezwen either through a line of credit, oubyen i bezwen through en don. Ki zistans i ete pou le moman pou nou kapab ganny en klarifikasiyon lo whether i pou materyalize?

Prezan ler mon vin lo sa konponan lo ka bidzeter pou *PUC* - mon prezimen *PUC* travay ki i annan pou fer to relate en kantite ek La Digue, ek Mahe/Praslin/La Digue. Sityasyon kab elektrik ki bezwen ganny improved e lezot fasilité.

Prenon kont diskisyon ki zot in gannyen ek *PUC*, eski sa larzan ki nou pe bidzete la i ase pou nou dil ek sa problem once and for all? Mon ti a kontan klarifye sa.

Presan Mr Chairman, ler nou vin lo *net lending* mon vwar poudir *DBS* i annan repeyman ki pe fer e mon vwar en offset dan Bidze *around* 61milyon. Prenon kont ki *DBS* i en konponan kle dan zesyon oubyen provizyon larzan pour bann, pou devlopman bann antrepriz, e la nou pe koz menm *micro*, menm pli gro.

Eski sa repeyman R61milon i pa al kontrer avek sa ki Minis Lenvestisman menm in dir nou, e ki petet ou menm Minister Finans ou pe sey *advocate* pou ankouraz plis akter, pou antre dan diversifikasyon lekonomi? Sa i mon dezyenm kestyion.

Mon trwazyenm kestyion ki mon ti oule en klarifikasiyon lo la, ler mon pe regard bann sibvansyon i annan kestyion ki'n ganny demande lo sa sibvansyon pou *Air Seychelles*, mon vin lo sa sibvansyon *Seychelles Public transport Corporation*.

Ki sistenm ki zot in met an plas, ki pou fer ki i annan en striktir kontrol *within SPTC*, pou regard lafason ki larzan ki Gouvernman i mete dan sibvansyon, e la mon pe koz *from aste pyes all the way up to* lezot keksoz, i ganny fer dan en fason pou *manage outflow* larzan e *avoid* ki ou annan en

sityasyon kot ou perdi larzan atraver lezot aktivite?

E mon dernyen kestyion Mr Chairman, ler nou pran *PUC* Minis i bezwen admet ki Lalwa Trezyenm Mwan ki nou'n pase i kre en *loophole*. E sa *loophole* se ki si *PUC* koman en antite i santi i kapab donn en *bonus*, naryen pa anpes son *Board* deside donn en *bonus*.

Gouvernman li i bezwen pran en desizyon e fer en keksoz ek *PUC*. Selman naryen teknikman baze lo Lalwa ki nou'n pase, pa pou anpes *PUC* don en bonus son travayer. Sa ki enteresan se ki *PUC* pa ti ankor fer *any appraisal* ek son bann travayer. E in *issue* en let *without* fer sa bann *appraisal*. E se sa ki pe fer travayer reakte e mon krwar i en keksoz ki Gouvernman i bezwen adrese *post haste*.

Me prenon kont sa ki nou pe koz lo la vizavi larzan ki nou met dan Bidze ki mon ti a kontan klarifye. Mwan Mr Chairman se sa size par egzanp *non-revenue water* ki'n size ki *PUC* ti sipoze pe adrese, ki mon ti eksepte anba *development Grant* i sipoze annan larzan pou tackle sa, *where are we* avek sa sityasyon?

Akoz delo ki *leak* dan bann *pipe* i kout en kantite larzan *PUC*, *where are we at* sa

sityasyon? E eski Minister Finans in ganny ankor demann pou larzan pou dil avek sa sityasyon? Mersi Mr Chairman.

### **MR SPEAKER**

*Thank you.* Minis.

### **MINISTER NAADIR HASSAN**

Mersi Mr Chair. Mersi Onorab pou ou bann kestyon. Mon a pran bann kestyon e apre i bann 2 kestyon mon pou pas ek SS. Lo kote premye kestyon regarding SPTC sa *line of credit* mon a pas ek SS *in terms of* ki zistans in arive.

Lo dezyenm kestyon regarding si larzan ki PUC in mete pou bann proze kapital i ase *again* mon a pas avek SS pou li reponn.

Lo trwazyenm kestyon DBS; DBS ou pou remarke Onorab wi, i annan bann repeyman bann det ki DBS in pran pou *on lend*. Me Gouvernman osi pe garanti anba Bidze R150milyon pou DBS *issue en bond*.

E ki nou war ler mon'n asize nou'n get *balance sheet* DBS, son *cost of funds* i tro o, ok i pe *borrow* ant 6 a 7 poursan pou li *on lend*. Savedir i pa kapab *lend* ba akoz son *cost of funds* i tro o.

E ki nou mazinen avek nouveau lanvironnman lentere ki

egziste ozordi, ki en kantite pli ba ki ler *PUC ti borrow*, se ki ou repey ou bann det ki pli ser e pran det ki pli bon marse, pou ou kapab *on lend* e *then* ou kapab fer ou *borrowing* pou ou *customer* vin *cheaper*. So, sa i stratezi deryer repeyman sa bann det avek *insurance of new debt*.

Lo kote SPTC wi, sa i en *issue* mon krwar ki Minister Finans li menm li in met a laporte *PMC*, pou asize gete ki mannyer fason pou asire ki mannyer *the operations of PUC manage, procurement* ou diferan plas. E sa i en keksoz ki nou pou travay ek *PMC* pou ensure ki sa i arive.

Lo senkyenm pwen regarding mon krwar PUC menm zafer *Thirteenth Month* mon antyerman dakor ek ou se ki i devret - sanmenm sa ki mon mansyonnen avan i devret annan en *process at which then you come to a point* pou dir *this is bonus*.

La nou pa pe koz vreman trezyenm mwan saler nou pe koz plis *bonus, ok*. So i bezwen e sa nou bezwen fer *PMC* travay ek tou bann *entities* pou met en *Bonus Scheme* an plas poudir be lala bann paramet ki bezwen ganny mete ler pou ou dir ou pe al pey *bonus*.

So sa i en defayans ki egziste bokou SOEs e ou pou bezwen met sa an plas. *Regarding PUC water leakage* mon pa konnen si SS pou annan lenformasyon, mon a pas enportan kestyon avek ou SS. Mersi.

### **MR SPEAKER**

Thank you. SS. Nou'n arriv kot ou.

### **SS PATRICK PAYET**

Mersi Mr Chair. Mersi Onorab. Premye kestyon lo konsernan *SPTC tender* in arriv lo staz avanse. Parey letan nou ti vin dan *Mid-year Review* nou ti dir ki dan *preselection*.

Me selman la negosyasyon pe *taking place*, avek *the bidder* e nou ekspekte lannen prosenn definitivman sa larzan pou ganny servi. Lo kote *PUC* parey zot okouran ki i annan 2 fason ki nou'n asiste *PUC* anba *net lending* e osi anba development grant.

Me osi *PUC* i servi son bann larzan ki pli i kolekte baze en pe lo sa profi. Sanmenm sa ki i annan sa pei lo tarif tanzantan, pou fer sir ki son *investment plan* osi pa zis larzan ki pe kolekte avek Gouvernman.

Nou annan diskisyon avek *PUC* osi pou nou vwar en pe

bann *innovative way of financing* bann diferan lezot fason par egzanp through *PPP*. So i bann lezot opsyon akoz nou konnen definitivman larzan ki zot pou annan, e larzan ki Gouvernman pou son zot zanmen pou ase baze lo sa bann lenfrastruktir, sa plan lenfrastruktir ki zot annan.

Par egzanp letan nou pe get lo *sewage* zot plan i *almost R1 billion*. So definitivman nou pe koz diskit avek zot pou vwar through *PPP* ki bann lezot opsyon finansman nou annan.

Lo kote *Non-Revenue Water programme* ki ou'n koz lo la Onorab aktyelman *PUC* i annan 27 kontra e zot sa bann kontra i *ongoing* e pou en lavaler €4.7milyon, e sa i pe ganny finansman anba *net lending*. Mersi.

### **MR SPEAKER**

Yes. Klarifikasyon Onorab.

### **HON SEBASTIEN PILLAY**

Mersi Mr Chairman. Mr Chairman lo sa finansman anba *net lending* mon ti a kontan konnen ki poursantaz anba repeyman ki sipoze ganny fer? A ki *rate* ki nou pe pret sa larzan anba *net lending*?

Mon ti'n anba lenpresyon ki sa ti'n deza ganny sertern siper from bann Fon Linyon

Eropeen. *And then* en pwen enportan ki mon ti pe klarifye Minis in konpran kot mon pe vini avek *DBS*, si *DBS* pe kapab ganny bann *loan* a bann to konsesyonnel *in terms of* lentere,

Eski sa pou *available* lo marse lokal? Oubyen eski *DBS* pou bezwen source sa *from International donors*? E prenon kont sa, eski Minister Finans pe *keep abreast* si la kantite dimoun ki pe apros *DBS* pou bann *loan*, pe kapab ganny akse ek kredi?

Mon pe dir konsesyonnel me selman avek kredi ki zot bezwen pou zot kapab fer zot bann biznes? e en pti pwen final Mr Chairman, annou sey gete si nou kapab donn en pti *bonus PUC*. Mersi.

### **MR SPEAKER**

*Thank you Onorab. Minis ou a regarde, ou adrese la.*

### **MINISTER NAADIR HASSAN**

Mersi Mr Chair. Mersi Onorab. Nou war en pti git politik popilis an dernyen bout; en pti gin menm wi. Lo kestyion *DBS* ankor, e i sa nou antisipe i kapab *borrow* lo marse domestik.

Akoz ki nou'n war parey la avek Polisi, mannyer Polisi Fiskal ek Monneter pe *align* ek

kanmarad, nou'n war ki lentere in *drop* e menm nou lo en *365 Treasury Bill rate* in desann anba 1poursan. Savedir i montre ou poudir lo marse domestik li menm i kapab sey akse kredi a en to ase bon marse. Mon pas avek SS pou dezyenm kestyion.

### **MR SPEAKER**

SS. ou tour.

### **SS PATRICK PAYET**

Mersi Mr Chair. Mr Chair son *terms for repeyman* i son lentere i 2.2 poursan. I ganny *7year grace* e son repeyman i 22an. So i vreman konsesyonnel. Mersi.

### **MR SPEAKER**

*Thank you SS. Kestyon Onorab William.*

### **HON WAVEN WILLIAM**

Mersi Mr Chairman. Bonn apre midi tou dimoun ki a lekout. Bonn apre midi Minis avek ou lekip. Mon ti a kontan demann Minis lo sa pti kestyion. Premyerman mon kontan ki mon war ki zot in entrodwir en *Innovation Trust Fund* e sa i pou en sonm R500mil.

Mon anvi demann avek Minis, si zot kapab eksplik en pti pe ki mannyer sa fon pou marse, e ki fason - lefe ki letan

ou pe koz inovasyon sa i trou spesifikman sekter prouve ki fason ki sekter prive zot pou konekte? Akoz i enportan ki nou bann zenn i ganny ankouraze dan sa lespri inovasyon.

E dezyenmman mon vwar ki anba *ADF loan* koriz mwan si mon mal.

### **MR SPEAKER**

Ou annan ankor lot kestyon?

### **HON WAVEN WILLIAM**

Wi, anba *net lending* mon vwar poudir sa, Minis i annan en sityasyon ki bann Sekter Fermye pe pas atraver vizavi sa *ADF loan*, oparavan letan i ti, SAA pe refer tou bann travay epi se *DBS* ki *manage*. Me solman ler pou *mange* ler ou regarde lefe ki Prezidan pe koz lo *the Ease of Doing Business*.

nou pe vwar poudir bann kliyan pe ganny bokou difikilte letan zot pe al kot *DBS*. Akoz i annan 2 prosedir finalman ki sipoze annan zis enn ki fer lavi bann fermye, ouswa bann dimoun ki anvi al dan valer azoute. I annan difikilte. So ki demars an plis pe ganny fer pou fasilit en pti pe sa prosedir?

Epi mon dernyen pwen Mr Chairman, Minis mon pa konnen ki fason ki ou pou kapab reponn mwan lo la. Me

solman i en problem ki ou a krwar Gouvernman in oubliye, avan eleksyon ti an en proze *sewage* ki'n ganny fer Barbarons kot ex Trouyan me 2020 in pase e la 2021 zot in fouye in komanse me vilaz pa ankor ganny konekte e avek gro lapli i e gro problem. So, mon ti a kontan ki sa problem i ganny rezourd.

Menm si par Gouvernman ki la ki'n komans proze me solman pou sa bann dimoun dan sa vilaz la ozordi avek sa gro lapli i en gro problem.

So mon ti a kontan ki mon pa konnen si *PMC ouswa PUC* akoz ler ou pe regarde la personn pa tro konnen egzakteman lekel ki pou *take up the problem*. Mersi.

### **MR SPEAKER**

Petet en lot antite ki devret reponn sa. Me selman Minister Finans i kapab gete ki i annan okenn lenformasyon. *Panel. Go ahead Minister.*

### **MINISTER NAADIR HASSAN**

Mersi Mr Chair. Mersi Onorab. Lo sa trwazyenm kestyon regarding sa *sewage system* premye fwa mon tande, so mon ava met li a laporte Minis responsab pou adres sa sityasyon. Lo dezyenm ek

premye kestyon mon a pas avek SS pou reponn. Mersi.

### **MR SPEAKER**

*Thank you. SS.*

### **SS PATRICK PAYET**

Mersi Mr Chair. Mersi Onorab. Lo premye kestyon lo sa *Trust Fund* inovasyon mon konnen i anba zot *Social Programme of Social Government*.

Wi, Departman responsab pou *Industry* pe revwar li dan son totalite. Parey letan zot ti pe prezant Bidze zot ti pe mansyonnen ki *at least* pou anmenn sa eleman inovativ e osi konplimant avek bann lezot striktir ki Gouvernman pe met an plas.

Savedir zi zot kapab fer byen zot resers. E osi kapab annan en bon *researcher project proposal* zot kapab demen al rod *loan* avek *Commercial Bank*.

So sa i en pe nide *behind it*. Lo kote *ADF* wi, nou kapab definitivman kekfwa revwar en pe dan son totalite avek sa striktir ki egziste ozordi avek *DBS*, avek Departman Lagrikiltir.

Be selman ki nou pe fer osi se anba en *SME Scheme* akoz nou konnen larzan ki nou mete anba *ADF* pa pou ase, e osi larzan kekfwa ki zot kolekte bann repeyman.

Anba en *SME* ki demann Labank Komersyal i donn nou pe revwar pou zot osi kapab donn sa sipor adisyonnell.

Akoz sansan si nou *relyzis* lo *ADF* ouswa *DBS* sa devlopman dan sa 2 sekter lagrikiltir ek lapes nou pa pou vwar li parey nou anvi ekspekte la krwasans dan sa 2 sekter.

So nou pe travay lo revizyon en *SME Scheme* e sa 2 sekter i kle ladan osi. Mersi.

### **MR SPEAKER**

Mersi. Apre sa kestyon SS eski nou'n pase lo sa pwen ki ou ti pe rode, ou'n eklersi sa? In sap mwan.

Bon avek sa nou a pran vot lo sa 3 *item*. Premye an lord lo *Subvention to Public Enterprises* pou en total R149milyon 26mil, Manm ki an faver lev lanmen silvouple. Mersi. Okenn Manm ki vot kont? Vot lo Bidze pou *Subvention to Public Enterprises* pou R149milyon 26mil, 23 Manm in vot pour, 0 kont e 1 abstansyon. Sa Bidze in aprouve par Lasanble.

Vot lo *Net Lending* pour R246milyon 577mil Manm ki an faver lev lanmen silvouple? Mersi, okenn Manm ki vot kont? Vot lo Bidze pou *Net Lending* pour R246milyon

577mil, 23 Mann in vot pour, 0 kont e 1 abstansyon.

Bidze pou *Development Grant to Public Enterprises* pou R169milyon 133mil. Manm ki an faver lev lanmen silvouple? Mersi, okenn Manm ki vot kont? *Thank you.* Lo Bidze *Development Grant to Public Enterprises* pou R169milyon 133mil, 24 Manm in vot pour, 0 kont e 0 abstansyon. Sa Bidze in aprouve par Lasanble.

Bon sa ti nou dernyen *item e i a reste nou pou nou pas dan Staz Lasanble.* E pou nou pran *Third Reading of the Appropriation Bill 2022.* Onorab Georges ou'n pare pou Mosyon pou *Third Reading?*

### **HON BERNARD GEORGES**

Yes Mr Speaker. Zis avan nou al lo la, eski nou'n dil avek tou bann amannman or are there any other amendments? Akoz sa se nou dernyen posibilite fer.

### **MR SPEAKER**

Wi.

### **HON BERNARD GEORGES**

Mon krwar ki nou'n fer, mon krwar ki nou'n. Wi Clerk i dir mwan nou'n fer. *Very good.*

*Unlike lezot Bill,* nou pa kapab fer okenn amannman lo en *Appropriation Bill* Mr Speaker, on the *Third Reading.*

Mr Speaker annakor avek sa se *Order 82 Onorab LOTO.* Annakor avek *Order 76(1)* mon move ki *The Appropriation Bill 2022 as amended* i ganny lir en Trwazyenm Fwa. Mersi.

### **MR SPEAKER**

*Thank you.* Nou a ganny segonde, Onorab Arissol.

### **HON SANDY ARISSOL**

Mersi Mr Speaker. Bonn apre midi ankor enn fwa. Annakor avek Mosyon anmenn par Onorab Georges mon ti a kontan segonde *as amended.* Mersi bokou.

### **MR SPEAKER**

Nou a vot lo Mosyon pou *Third Reading of the Appropriation Bill, 2022.* Manm ki an faver lev lanmen silvouple? Mersi. Okenn Manm ki vot kont? Mersi.

Lo Formal *Third Reading of the Appropriation Bill, 2022 as amended* 18 Manm in vot pour, 0 kont e 6 abstansyon. Donk mon kapab dir sa *Bill* in aprouve par Lasanble, in pase lo *Third Reading.* E madanm Clerk nou a demann ou pou fer *Formal Third Reading.*

### **MADAM CLERK**

Mersi Mr Speaker. *This Act may be cited as the Appropriation Act, 2022.* Mersi Mr Speaker.

### **MR SPEAKER**

*Thank you.* Bon nou'n ariv a lafen sa legzersis Bidze ki'n pran plizyer zour. Minis wi si ou ti a kontan fer en remark?

### **MINISTER NAADIR HASSAN**

Mersi Mr Speaker. Mon ti a kontan zis dir en mon remersi avek tou bann manm Onorab Lasanble Nasyonal dan sa prosesis Bidze e osi avek Sekretarya Lasanble. E osi ou menm Mr Speaker.

Mon 'n war ki sa prosesis in ariv en kantite pli - i konpare avek lannen oparavan in en prosesis ki'n vreman *structured* in mars byen bann diskisyon. Mon vreman *impress* avek kalite kestyon ki'n demande. E wi mon ti a kontan remersi *Leader Lopozisyon* osi.

E wi an zeneral osi bann *staff* Minister Finans ki'n met bokou zefor dan sa prosesis Bidze e osi bann *staff* lezot Minister osi. E *Cabinet of Ministers* osi ki'n fer sa en prosesis Bidze *successful*. So mon ti anvi zis dir mersi tou dimoun. Mersi.

**(APPLAUSE)**

### **MR SPEAKER**

Mersi Minis ek ou bann zofisye Finans sirtou SS Payet ek Ms Tamatave ki'n avek nou pou en bon pe letan, nou remersye zot pou zot partisipasyon avek nou dan sa legzersis enportan. Mersi bann Manm pou zot travay.

Nou pe *adjourn* pou ozordi. Nou pa pe sit Lendi. Semenn prosenn nou annan plizyer bann *Bills* ki'n ganny programmen ki lo *schedule* ki Madam Clerk in sirkile. Lendi i a en letan pou bann Manm kapab pas lo sa bann *Bills* e osi pou *Bills Committee* travay lo la.

Nou pou reoran *sitting* Mardi bomaten 9er. Mersi bon wikenn. Nou *adjourn*.

**(ADJOURNMENT)**